

玉海



040
1000:73
34881

玉海卷第一百九十

浚儀王應麟伯厚

兵捷

兵捷 露布

晉宣威將軍武威太守平涼州

通鑑

武紀馬隆傳

咸寧五年正月鮮卑木機能陷涼州司

馬督馬隆曰臣能平之願募勇士三千人帥以西許之以爲討虜將軍武威太守募能引弓四鈞挽弩九石者取之立標簡試自旦至日中得二千五百人請自至武庫選仗帝命惟所取給三年軍資遣之隆西

度溫水機能衆數萬據險拒之隆作偏箱車轉戰行
千餘里殺傷甚衆拜宣威將軍隆至武威鮮卑大人
帥萬餘落來降十二月與機能大戰斬之涼州平

先是

二年三月平虜護軍文鴛討
機能破之降諸胡二十萬口

晉龍驤將軍平吳

通鑑咸寧五年冬十一月晉大舉伐吳鎮軍將軍司
馬卞出涂中安東將軍王渾出江西建武將軍王戎
出武昌平南將軍胡奮出夏口鎮南將軍杜預出江
陵龍驤將軍王濬出巴東監軍唐彬下蜀漢東西凡
二十餘萬命賈充爲使持節假黃鉞大都督屯襄陽

為諸軍節度冠軍將軍楊濟副之太康元年正月杜預向江陵王渾出橫江攻吳鎮戍所向皆克二月王濬唐彬擊破丹陽監盛紀進克西陵 吳都督

等杜預遣牙門管定周旨伍巢等帥奇 八百 舟

夜渡江襲樂鄉多張旗幟起火巴山吳都督孫歆懼

與江陵督伍延書曰北來諸軍乃飛渡江上旨等伏

兵樂鄉城外歆遣軍出拒王濬大敗而還旨等散伏

兵隨歆軍而入歆不覺直至帳下虜歆而還杜預進

攻江陵克之斬伍延於是沅湘以南接 父 兵之

州郡皆望風送印綬伏節稱詔而撫綏之杜預與眾

軍會議或曰百年之寇未可盡克方春水生難於久駐宜俟來冬更為大舉預曰昔樂毅藉濟西一戰以并強齊今兵威已振譬如破竹之後迎刃而解無復著手處也遂指授羣帥方略徑造建業初詔書使王濬下建平受杜預節度至建業受王渾節度預至江陵謂諸將曰若濬得建平則順流長驅威名已著不宜令受制於我若不能克則無緣得施節度濬至西陵預與之書曰足下既擁其西藩便當徑取建業討累世之寇釋吳人於塗炭振旅還都亦一時之盛事也濬大悅自武昌順流徑趣建業吳主遣遊擊將軍

張象帥舟師萬人禦之象望旗而降濬兵甲滿江
幟燭天威執甚盛吳人大懼分遣使者奉書於渾
由以請降王濬舟師過三山王渾遣使要濬濬悉
萬方舟百里鼓譟入于石頭吳主皓面縛輿襯詣軍
門降濬解縛焚襯延請相見收其圖籍克州四郡四
十三戶五十二萬三千兵二十三萬或作二萬三萬朝廷聞

吳已平羣臣皆賀上壽

摯虞上太康頌

帝執爵流涕曰此羊

太傅之功也

紀及本傳建業或並作秣陵文並同

王濬傳武帝謀伐

吳詔濬修舟艦乃作大舡連舫方百一十步受二千
餘人以木爲城起楫楫舟楫之盛自古未有尋拜濬

爲龍驤將軍。時議咸諫伐吳。濬上疏願無失事機。帝深納焉。大康元年正月。濬發自成都。率巴東監軍廣武將軍唐彬攻吳丹陽。尅之。吳人於江險磧要害之處。並鐵鎖橫截之。又作鐵錐長丈餘。暗置江中。以逆距船。先具知情狀。濬乃作大筏數十。亦方百餘步。縛草爲人。被甲持仗。令善水者以筏先行。筏遇錐。輒著。又作火炬長十餘丈。大數十圍。灌以麻油。在船前。遇鎖。燃炬燒之。須臾融液斷絕。船無所礙。二月庚申。克吳西陵。壬戌。克荆門夷道二城。乙丑。尅樂鄉。乙亥。詔進濬爲平東將軍。假節都督梁益諸軍事。濬自發蜀。

兵不血刃，攻無堅城，斬谷武昌，無一相支抗。於是順流鼓棹，徑造三山，皓送降文於濟，奉璽綬委質請命。壬寅，濟入于石頭，收圖籍，封府庫，軍無私焉。

晉奮威將軍豫州刺史祖逖復河南

論

中原豪傑

祖逖傳

逖度江瑯琊王睿以爲軍諮祭酒逖居京口

糾合驍健說王命將出師使如逖者統之以復中原

郡國豪傑必有望風響應者矣王素無北伐之志以

逖爲奮威將軍豫州刺史

愍帝建興元年

給千人廩布三千

疋不給鎧仗使之自募逖將其部曲百餘家渡江中

流擊楫而誓曰祖逖不能清中原而復濟者有如大

江遂屯淮陰起冶鑄兵器募得二千餘人而後進克

譙城遂鎮雍丘武帝建武元年石勒鎮戍歸附者甚多詔加

逖鎮西將軍三年七月逖在軍與將士同甘苦約已務施

勸課農桑撫納新附雖疏賤者皆結以恩黃河以南

盡為晉土方推鋒越河掃清冀朔四星東聚五

馬南浮五鐸啓金陵之祚

晉侍中大尉都督荆江雍梁交廣益寧州

諸軍事平襄陽

陶侃傳兼通鑑顯宗咸和五年八月趙郭敬寇襄陽周

撫奔武昌七年侃遣子與南中郎將亘宣西伐樊

城走石勒將郭敬使兄子璠竟陵太守李陽等共破

新野遂平襄陽使亘宣守之

統七年七月克樊城
拔新野襄陽成之

孝武紀天元四年二月苻堅使子丕攻陷襄陽執朱
序九年四月使竟陵太守趙統伐襄陽克之

晉安西將軍平蜀

通監李特盜巴庸世歷五朝年將四紀勢昏虐人懷
危懼加之荒儉末和二年十一月辛未安西將軍亘

溫

載記云
大司馬

帥益州刺史周撫南郡太守譙王無忌伐

漢拜表即行加撫督梁州之四郡諸軍事使江夏相

袁喬帥二千人為蒲鋒三年春二月單至青衣漢王
 李勢大發兵趣合水三月温至彭模議者欲分為兩
 軍袁喬曰當合勢齊力以取一戰之捷不如全軍而
 進從之温自將步卒直指成都李福進攻彭模孫盛
 等奮擊走之温進遇李權三戰三捷漢兵散走温前
 鋒不利眾欲退袁喬拔劍督士卒力戰大破之乘勝
 至成都勢送降文于温尋輿襯面縛諸軍門六世凡四十六

年

紀末和三年三月乙丑攻成都克之丁亥勢降

益州平 驅率餘燼敢距大邦授甲晨征理均困獸

斬關宵遁義殊前禽

晉征西將軍克關中

通監晉永和中二年乙丑征西將軍元溫統步騎四萬發江陵水軍自襄陽入均口至南鄉步兵自淅川趣武關命司馬勲出子午道以伐秦獲秦荊州刺史郭敬進擊青泥破之秦主健遣太子萇帥衆五萬軍于峽柳以拒溫四月己亥溫與秦兵戰于藍田大敗之元沖又敗秦丞相雄于白鹿原溫轉戰而前壬寅至灊上三輔郡縣皆來降民爭持杯酒迎勞耆老有垂泣者曰不圖今日復見官軍六月丁丑徙關中三千餘戶而歸王猛謂張安咫尺而不度灊水

晉征虜將軍陳征討大都督謝石破苻堅

復壽陽

通監

兼謝元等傳
苻堅載記

晉孝武太元八年秦王苻堅大舉

入寇民每十丁選一兵其良家子年二十以下有材
勇者皆拜羽林郎八月戊午遣陽平公融督張蚝慕
容垂等步騎二十五萬為前鋒堅自率戎卒六十餘
萬騎二十七萬眾號百萬九月至于彭城東西萬里
水陸齊進運糧萬艘自河入石門達于汝穎遺苻融
慕容暉張蚝苻方等至穎口詔以謝石為征虜將軍
征討大都督冠軍將軍謝幼度為前鋒都督徐玄

等諸州軍事。輔國將軍謝琰西中郎將巨伊等拒之。衆凡八萬。十月秦攻壽陽克之。梁成王先等率衆五萬屯于洛澗。柵澗以遏東兵。謝石謝幼度等去洛澗二十五里而軍。憚成不敢進。融於壽陽遣朱序來說石等使降。序私謂石等曰。若秦百萬之衆盡至。誠難與爲敵。今乘諸軍未集。宜速擊之。若敗其前鋒。則彼氣已奪。可遂破也。十一月石乃遣牢之以精兵五千趣洛澗。未至十里。梁成阻澗爲陣以待之。牢之直前渡水擊成大破之。旣斬成及成弟雲。又分兵斷其歸津。秦步騎潰散。爭赴淮水。士卒死者萬五千人。禽

至偽將梁他王顯等。收其軍實。石等諸軍水陸繼進。

堅與融登壽陽城望之。融堅進見晉兵部陣嚴整。又

望見八公山上草木皆以爲晉兵。憊然始有懼色。秦兵

逼肥水而陣。晉兵不得渡。堅曰。但引兵少却。使之半

渡。我以鐵騎蹙而殺之。遂麾兵使却。秦兵遂退。不可

復止。幼度琰伊等引兵渡水擊之。融馬倒。爲晉兵所

殺。秦兵遂潰。謝元傳元等以精銳八千涉度肥水石

墜中流矢。臨陣斬融。堅衆奔潰。躡籍乘勝追擊。至于

投水死者不可勝計。肥水爲之不流。青岡。秦兵大敗。其走者聞風聲鶴唳。皆以爲晉兵。且

至草行露宿。死者十七八。獲堅所乘雲母車。復取壽

陽堅單騎走至淮北下亥石等歸建康一紀太元八年十月乙亥諸將及苻堅戰於肥水大破之俘斬數萬計獲堅輿輦及雲母車

晉前鋒都督謝元平兖青司豫

謝元傳

兼通鑑

太元九年八月太保安奏苻堅喪敗宜

乘其豐以元爲前鋒都督率冠軍將軍亘石虔徑造渦潁經畧舊都元復率衆次彭城九月遣參軍劉襲攻堅兖州刺史張崇於鄆城走之辛使劉牢之守鄆

城

河南城堡皆歸附如安都督揚江等十五州

安土疏自來北征甲午

兖州

既乘元立七埭爲派以利運漕十月遣淮陵太守高

素以三千人向廣固降青州刺史苻明又進伐冀州遣龍驤將軍劉牢之等據碭濟陽太守郭滿據滑臺命劉襲夜襲乘據走之遂克黎陽三魏皆降兗青司豫平

晉蜀郡太守任權平益州

紀太元十年二月權斬苻堅益州刺史李平益州平
晉中軍將軍克南燕

通鑑義熙五年三月中軍將軍劉裕伐南燕慕容超自淮入泗五月至下邳留船艦輜重步進至琅邪所過皆築城留兵守之過大岷至東莞六月前鋒孟龍

符與燕師戰破之於巨蔑水裕以車四千乘爲左
翼方軌徐進與燕戰臨朐南以奇兵從間道攻臨朐
城克之乘勝逐北獲其玉璽豹尾輦等進圍廣固克
其大城超收衆入保小城築長圍守之時五年六月丙子也
年一月丁亥克之追獲超初燕王聞有晉師引羣臣
會議時公孫五樓請據大峴令不得入徐簡精騎循
海而南絕其糧道別以兗州之衆緣山東下腹皆擊
之以爲上策燕主不從及入峴裕舉手指天曰吾事
濟矣師既過險士有必死之志餘糧棲畝軍無匱乏
之憂虜入吾掌中矣燕慕容鎮曰成安君不守井陘

之關終屈於韓信諸葛瞻不據東馬之險卒擒於鄧

艾

德至超二世
凡十一年滅

角端掩月步搖翻霜

晉建威將軍益州刺史平益州

紀義熙元年二月平西將軍譙縱害刺史毛璩以蜀
叛六年十一月陷巴東八年十二月以朱齡石爲建
威將軍益州刺史帥師伐蜀九年七月克成都斬縱
益州平譙縱傳縱自稱成都王遣使稱藩於姚興
將順流東寇以討劉裕爲名乞師於興九年裕以朱
齡石臧熹劉鍾蒯恩等率衆二萬自江陵討縱六月
齡石次白帝縱遣譙道福重兵守涪齡石師次平模

進攻皆剋。斬侯暉等。縱出奔。傳首建鄴。

晉征西將軍司豫二州刺史克關洛

通監義熙十二年二月秦姚泓立。四月乙丑劉裕遣
伐關洛。八月乙巳發建康。遣龍驤將軍王鎮惡冠軍
檀道濟將步軍自淮肥向許洛。新野太守朱超石寧
朔將軍胡藩趨陽城。振武沈田子建威傅弘之趨武
關。建武沈林子彭城內史劉遵考將水軍出石門。自
汴入河。冀州刺史王仲德督前鋒。鉅野入河。九月
裕至彭城。鎮惡道濟入秦境。所向皆捷。屯守。風歎
附道濟拔新蔡。克許昌。林子自汴入河。克倉垣。仲德

入滑臺十月陽城榮陽降兵至成臯成臯虎牢降甲

子至洛陽丙寅姚洸降己丑脩馬五陵置守衛以毛

賢之戌洛十一月西秦王熾磐遣使來擊秦自效十

三年二月鎮惡軍過北前氣薄開二月破姚紹丙子

裕將水軍入清河七月至陝田子弘之八武關進屯

關中郡縣多送款辛丑裕至潼關鎮惡沂渭而

東弘自河八月壬戌至渭橋破姚丕入平朔門

秦弘降九月裕至長安收表秦書秦書土圭記望

相南車之重康關中平漢至魏年世耳節而下

長安係經四降軹道

宋右將軍平司兗

通監

又到彦之傳

宋元嘉七年三月戊子遣右將軍到彦

之侵魏且告白當脩復舊境魏主曰我生髮未燥已聞河南是我地權歛戍相避須河水堅合更取之到彦之自淮入泗至潁昌沂河西上魏主以河南四鎮兵少命諸軍悉收衆北渡於是洛陽虎牢皆棄城去彦之使毛脩之守滑臺尹仲至虎牢杜驥守金墉諸軍進屯靈昌津列守南岸至于潼關於是司兗平

武帝

置司州居虎牢兗州居滑臺滑臺城卽鄭之廩延

宋交州刺史克林邑

紀文帝元嘉二十三年六月交州刺史檀和之及振武將軍宗慤伐林邑國克之

陳都督征討諸軍事克壽陽

紀宣帝大建五年三月壬午以開府儀同三司吳明徽畧地北邊十月乙巳克壽陽斬王琳諸軍所在克捷

後魏中山王英平義陽露布

傅永傳義陽旣平英使司馬陸希道爲露布意謂不可令永改之永不增文采直與之改陳列軍儀處置形要孝文帝曰上馬能擊賊下馬作露布唯傅脩期

隋行軍元帥破突厥

紀開皇三年五月癸卯行軍總管李晃破突厥於摩
那渡口壬戌行軍元帥竇榮定破突厥及吐谷渾於
涼州六月戊寅突厥遣使請和四年二月庚戌突厥
可汗阿史那玷率其屬來降六年春正月庚午班曆
於突厥 樓舡南邁則金陵失險驃騎北指則單于
款塞職方所載並入疆理禹貢所圖咸受正朔要荒
咸暨尉侯無警

隋行軍元帥平陳

紀開皇八年三月戊寅詔曰昔有苗不賓唐堯薄伐
孫皓僭虐晉武行誅十月甲子命晉王廣秦王俊清
河公楊素並爲行軍元帥以伐陳合總管九十兵五
十一萬八千皆受晉王節度東接滄海西拒巴蜀旌
旗舟楫橫亘數千里九年春正月辛未賀若弼拔陳
京口韓擒拔陳南豫州丙子入建鄴陳國平合州三
十郡一百縣四百夏四月乙巳三軍凱入獻俘於太
廟庚戌上御廣陽門宴將士頒賜各有差

唐西討元帥平薛仁果

紀武德元年八月己丑秦王世民

太宗討薛仁果十一

月巳酉敗仁杲執之

帝聞大悅置酒奏九部樂癸亥俘以獻甲子帝置

酒宴旋師於元武明戊辰宴群臣

傳金城薛舉自號西秦霸王盜

隴西僭帝于蘭州會高祖入關約突厥合從東向武

德元年六月癸未寇涇州秦王將入揔管兵拒之七

月舉逼高塘九月秦主相持六十餘日其將崔長孫

等降王遣龐玉擊宗羅睺於淺水原王以勁兵擣其

背敗之運明圍合仁杲計窮出降斬之舉父子五年

滅又見通鑑

涇水黃隴野茫負太白騰天狼老雉死子

復良巢岐飲渭肆翱翔頓地絃提天綱列缺掉幟招

搖耀銚星辰復恢一友鏡歌

御太一把鉤陳驅天

駟迴地軸。乾行岳止。雷驚麟震。薛舉無竇。融之先覺。
有隗囂之迷謬。天子躬御武節。親揔元戎。灑沉災而
括地象。正斗極而清天步。驅駕韓白。鞭擊雷電。命招
搖以啓行。詔參伐以前掃。正傾旻於西北。紐缺地於
東南。玉弩驚談。金宿騰芒。九野鯨奮。八極鴟張。昭仁
寺碑

唐陝東道行臺尚書令涼州總管克并州

紀武德二年九月辛巳。劉武周陷并州。十月秦王世
民討之。二年四月壬戌。及武周戰于洛州。敗之。武周
亡。入突厥。克并州。又之突厥武周起馬邑。襲樓煩。

據汾陽宮得定襄突厥以狼頭纛立為定楊可汗上
谷賊宋金剛說令取晉陽武德二年三月辛卯入寇
進圍太原裴寂敗九月辛巳齊王委并州遁武周人
據之十月金剛陷滄州王行本據蒲州夏縣人呂崇
茂殺縣令應武周詔諸將奔河東秦王以為不可願
得兵三萬可破賊於是悉發關中兵益之十一月出
龍門關屯栢壁王輕騎覘敵為賊所及以大羽箭射
殪其驍將賊乃退十二月將步騎三千夜趨安邑大
破之三年正月戊寅蒲州降四月丁未金剛食盡北
走王追之至雀鼠谷日中八戰皆破之丙辰金剛走

介休戊午以餘衆二萬背城陳王令李世勣程璠金
秦叔寶為北軍翟長孫秦武通為南軍王以精騎突
擊破之金剛將尉遲敬德尋相張萬歲降復介州武
周懼奔突厥其將楊伏念舉并州降河東地盡復壬
戌上聞并州平宴群臣會章殿賜繒帛五月辛卯凱
旋獻捷太廟帝置酒高會

唐益州道行臺尚書令俘王世充

陳都寶建

德

北河

紀武德三年七月壬戌秦王世民討王世充四年五
月壬戌秦王世民敗竇建德于虎牢執之

三年七月
討王世充

敗之于北邙四年二月寶建德率兵十萬以援戊辰王世充降七月壬子俘

世充以獻丙辰寶建德伏誅獻俘太廟

通鑑七月甲子獻俘行飲

至之禮以饗之

世充豺聲卷髮忌克深阻煬帝拜爲江都

通守兼知宮監事武德二年四月矯越王侗策禪位

國號鄭三年七月壬戌高祖詔秦王率兵攻之至新

安屯堡多下敗世充於慈澗城八月王陳兵青城宮

世充悉精兵來拒隔澗與秦王語王曰四海之人皆

承唐正朔獨公迷不復東都士民來請師陛下重違

我是以來世充約割地不許九月田瓚舉山南二十

五郡降王君廣徇地至管城河南州縣以次降定始

竇建德與世充有隙至是建德遣使結好并陳赴援
意十一月世充因乞師四年二月青城宮守將以宮
降辛丑王進保之世充引兵出方諸門臨穀水以戰
王陣北印令屈突通步士五千踰水擊之兵接以騎
決戰世充排攢兵殊死戰自辰及午方潰俘斬八千
人傳城塹而守之世充糧且盡人相食但嬰城須建
德之救五月王擒建德乙丑俘示東都城下丙寅世
充遂率將吏降軍門王受之屬吏丁那入城發府庫
資將士 建德初起漳南賊盜取饒陽牧平原襲取
幽州自號長樂王明年號夏王會秦 伐東都其中

書舍人劉斌說曰唐據關中鄭王河南夏有冀方此鼎足相恃勢也今唐悉兵臨鄭鄭滅則大夏有齒寒之憂爲大王計莫若援鄭建德曰善乃與世克連和世克亦自乞師建德令其臣來朝請解鄭圍秦王留之不答建德并徐圓朗衆號三十萬救世克壁成臯東原築營板渚三月癸未王進據虎牢翌日以騎士五百覘建德營設伏道側獨以數騎去賊營三里賊去騎追之王漸却誘至伏所卒起奮擊獲其二將乃報建德以書建德失二將又聞唐兵精得書猶豫六十日不敢西五月己未建德自板渚出陣西薄汜南

屬鵲山亘二十里鼓而前秦王登虎牢城望其軍按甲不戰曰賊起山東未嘗見大敵今度險士囂令不肅也逼城而陣有輕我心待其饑破之果矣日中建德士皆坐列爭飲水意益怠王麾軍先登大軍繼之騎怒塵漲天乃率史大柰程知節秦叔寶等卷旆出賊陣後建德軍顧而驚遂大潰建德被重創竄牛口谷車騎將軍白士遜楊武威獲之俘五萬人壬申齊善行以洛相魏等州降 戊寅王世辯以徐宋等三十八州詣任瓌降世克故地悉平淮陽王神通徇下三十餘州建德地悉平六月凱旋七月甲子秦王披

黃金甲齊王元吉李世勣二十五將從後陳鐵騎一

萬介士三萬前後鼓吹獻俘太廟

東都平冊勳於廟者九人賈抗與軌

與帝大悅行飲至禮以饗焉

四年五月丁丑以平世充宴羣臣乙丑赦山東

六朔南寅太宗冊文曰妖傾地軸盜弄乾樞天兵雷

掃月陣風驅蚩尤遞翦窳穢咸誅

朱旗西指則仁杲喪元白羽東臨則世充泥首摧武

周如拉朽叔建德若拾遺翦商除害夷項擊蓄戮

冀野以復皇猷誅疇華而清帝道射九鳥以垂日

月鍊五石以造乾坤操參伐而清天步橫崐海而

紐地維

唐荆湘道摠管平蕭銑

紀武德四年秋夔州摠管趙郡王孝恭率十二摠管

兵討蕭銑十月乙巳執之賊銑于荊州初義寧元年董

景珍奉羅川令蕭銑爲主稱梁王二年僭帝破峽州

圖取蜀勝兵四十萬武德元年都江陵三年信州摠

管孝恭進策圖銑帝以信州爲夔州大治舟艦討之

通監在四年二月辛卯十一月景珍以長沙降十二月癸卯峽

州刺史許紹拔荆門四年正月丙戌田世康克五州

四鎮李靖陳十策二月辛卯以靖爲行軍摠管兼孝

恭長史以用巴蜀首領子弟六月黃州摠管周法明

拔安州七月辛巳郭行方拔郡州九月發巴蜀兵以

孝恭爲荆湘道行軍總管靖攝行軍長史統十二鎮

管自夔州順流東下十月靖傳云舟師叩夷陵孝恭傳云

進大總管統水陸十二軍發夷陵破二鎮荆門宜都也

癸巳擊走銑將文士弘

獲戰艦三百餘蓋彥舉以五州降靖破賊溺死者萬

人卽率輕兵五千爲先鋒趨江陵薄城而營俘甲士

四千孝恭軍繼進布長圍守之數日破其水城取樓

船數千靖縱戰艦放江中瀕江鎮戍見舳艫蔽江謂

銑已下疑不進交州總管丘和等降銑內外阻絕乙

巳開門出降送京師江漢列城爭下詔圖破銑狀以

進

唐襄州道行臺左僕射行軍元帥平輔公

祐

紀武德六年八月壬子淮南道行臺左僕射輔公祐反乙丑趙郡王孝恭討之七年三月戊戌孝恭敗公祐執之公祐臨濟人隋季爲盜杜伏威以爲長史武德三年夏伏威歸國封吳王授公祐舒國公五年七月伏威請入朝六年留公祐居守令王雄誕握兵副之後左游仙說公祐反奪雄誕兵八月僭位稱宋卽陳故宮都之遣將侵海州寇壽陽乙丑詔孝恭爲

元帥引兵趨九江李靖爲副

下宣

世勣

出淮

黃君漢

出譙

張鎮周盧祖尚皆稟節度

靖傳云世勣等七

十

一月鎮周破其將於黃沙七年正月壬午孝恭破其將於樞陽二月拔鵲頭鎮三月丙戌取蕪湖下梁山

三鎮辛卯任瓌拔揚子城戊戌孝恭克丹楊先是賊

將馮惠亮以舟師屯當塗陳正通以步騎屯青林自

梁山連鎖斷江道築却月城袤十餘里爲犄角孝恭

堅壁不出遣奇兵絕饗道賊饑夜薄營孝恭靖帥舟

師次舒州世勣步卒度淮拔壽陽次硤石靖曰出不

意攻城必破之明日使羸兵啣壘挑之祖尚選精騎

陣以待兵却賊追比且驚遇祖尚軍薄戰遂大敗靖
率黃君漢等水陸皆進惠亮退保梁山孝恭乘勝破
其別鎮賊赴水死者數千靖將輕兵至丹楊公祐出
走騎窮追生禽之江南平孝恭斬之傳首京師

唐定襄道行軍大總管俘突厥頡利順

天樓受俘

通監正觀三年十一月庚申以李世勣等爲行軍總
管受李靖節度分道擊突厥乙丑任城王道宗擊於
靈州破之四年正月靖率驍騎三千自馬邑屯惡陽
嶺夜襲定襄破之頡利大驚曰唐不傾國來靖敢提

孤軍至此於是帳部數恐徙牙於磧石帝曰靖以三千喋血虜庭古未有輩足澡吾渭水之耻矣靖復縱謀者離其腹心頡利所親康蘇密以隋蕭后及煬帝孫政道來降世勣出雲中與突厥戰於白道大破之二月甲辰靖破突厥頡利可汗於陰山先是頡利既敗竄於鐵山餘衆尚數萬遣執失思力入見謝罪請舉國內附自入朝上遣鴻臚卿唐儉等慰撫之又詔李靖將兵迎頡利頡利外爲卑辭內實猶豫欲俟草青馬肥亡入漠北靖引兵與李世勣會白道相與謀曰頡利雖敗其衆猶盛若走渡磧北保俄九姓道

阻且遠追之難及今詔使至彼虜必見寬若選精騎一萬齎二十日糧往襲之不戰可禽矣以其謀告張公謹公謹曰詔書已許其降使者在彼柰何擊之靖曰此韓信所以破齊也唐儉輩何足惜遂勒兵夜發世勣繼之軍至陰山遇突厥千餘帳俘以隨軍頡利見使者大喜意自安靖使武邑蘇定方率二百騎爲前鋒乘霧而行去牙帳七里虜乃覺之頡利乘千里馬先走靖軍至虜衆遂潰唐儉脫身得歸斬首萬餘級男女十餘萬獲雜畜數十萬殺隋義成公主擒其子■ ■ ■ 頡利帥萬餘人欲渡磧李世勣軍於磧口

原书缺页

原书缺页

氏古匈奴北部也隋末始畢始強控弦百萬高祖起
太原與連和始畢以兵會侍功橫驕其弟處羅立卒
弟頡利立以始畢子爲突利歲入寇九年七月自將
十萬襲武功太宗馳六騎幸渭上與隔水語頡利請
和與盟便橋正觀元年頡利囚突利明年擁兵窺邊
又明年三年十一月庚申詔并州都督李世勣出通漠道李

靖出定襄道左武衛大將軍柴紹出金河道靈州大
都督任城王道宗出大同道幽州都督衛孝節出常
安道營州都督薛萬徹出暢武道凡六總管師十餘
萬皆受靖節度以討之突利及郁射設蔭奈特勒帥

所立來奔捷書日夜至謂群臣曰往國家初定太上
皇以百姓故奉突厥詭而臣之朕嘗痛心疾首思一
制耻於天下今天誘諸將所向皆克朕其庶有成功
乎四年正月進屯惡陽嶺夜襲頡利走保鐵山
兵猶數萬令執失思力來陽爲哀意議罪帝令唐儉
等撫尉靖因襲擊之盡獲其衆復定襄垣安地斥境
至大漠矣頡利至京師告俘太廟帝御順天樓陳仗
衛士民縱觀 紀正觀三年八月丁亥李靖爲定襄
道行軍大總管伐突厥四年二月甲辰靖及突厥戰
于陰山敗之三月甲午靖俘突厥頡利可汗以獻四

月戊戌西北君長請上號爲天可汗 江夏王道宗

傳正觀三年爲大同道行軍總管助李靖破虜親執

頡利可汗

贊襄掃風除其國遂墟

張公謹傳副李靖經畧突

厥條可取狀於帝曰頡利誅善良主昏於上一也同
羅僕骨回紇延陀之屬皆自立君長衆叛於下二也
突利伎疑以輕騎免招設衆敗欲谷喪師兵挫將敗
三也北方霜旱廩糧乏絕四也胡性翻覆必生內變
五也華人在北者衆王師之出當有應者六也 云云

唐西海道行軍大總管李靖破吐谷渾

紀正觀八年十一月己丑吐谷渾寇涼州執行人鴻

臚丞趙德楷十二月辛丑特進李靖爲西海道行軍大總管侯君集爲積石道行軍總管任城郡王道宗爲鄯善道行軍總管膠東郡公道彥爲赤水道行軍總管涼州都督李大亮爲且末道行軍總管利州刺史高甌生爲鹽澤道行軍總管以伐吐谷渾九年五月壬子李靖及吐谷渾戰敗之 通鑑正觀八年吐谷渾可汗伏允遣使人貢未返大掠鄯州而去上遣使責之召伏允入朝稱疾不至仍爲其子求昏上許之令其親迎又不至乃絕昏伏允復遣兵寇蘭廓二州伏允年老信其臣天柱王之謀數犯邊又執唐使

者趙德楷上遣使諭之十返又引其使者臨軒親諭以禍福伏乞終無悛心六月遣左騎衛大將軍段志玄爲西海道行軍總管左驍衛將軍樊興爲赤水道行軍總管將邊兵及契苾党項之衆以擊之冬十月辛丑段志玄擊吐谷渾破之追奔八百餘里去青海三十餘里吐谷渾驅牧馬而遁十二月丁亥吐谷渾寇涼州己丑下詔大舉討吐谷渾上欲得李靖爲將爲其老重勞之靖聞之請行上大悅十二月辛丑以靖爲西海道行軍大總管節度諸軍兵部尚書侯君集爲積石道刑部尚書任城王道宗爲鄯善道涼州

都督李大亮爲且末道岷州都督李道彥爲赤水道
利州刺史高甌生爲鹽澤道行軍摠管并突厥契苾
之衆擊吐谷渾九年夏閏四月癸酉任城王道宗敗
吐谷渾於庫山吐谷渾可汗伏允悉燒野草輕兵走
入磧諸將以爲馬無草疲瘦未可深入侯君集曰不
然向者段志玄軍還纔入鄯州虜已至其城下蓋虜
猶全實衆爲之用故也今一敗之後鼠逃鳥散斥侯
亦絕君臣携離父子相失取之易於拾芥此而不乘
機必悔之李靖從之中分其軍爲兩道靖與薛萬均
李大亮由北道君集與任城王道宗由南道戊子靖

部將薛孤兒敗吐谷渾於曼頭山斬其名王大獲
畜以充軍食癸巳靖等敗吐谷渾於牛心堆又敗諸
赤水原侯君集任城王道宗引兵無人之境二千餘
里盛夏降霜破邏真谷其地無水人嚼冰馬噉雪五
月追及伏允於烏海與戰大敗之獲其名王薛萬均
薛萬徹又敗天柱王於赤海李大亮敗吐谷渾於蜀
渾山獲其名王二十人將軍執失思力又敗之於居
茹川李靖督諸軍經積石山河源至且末窮其西境
聞伏允在突倫川將奔于闐契苾何力欲追襲之自
遣驍騎千餘自趨突倫川積石乏水將士刺馬血飲

之襲破伏允牙帳斬捕數千級獲雜畜二十餘萬伏
允脫身走俘其妻子侯君集等進逾星宿川至栢海
還與李靖軍合大寧王順隋氏之甥伏允之嫡子也
爲侍子於隋久不得歸伏允立宅子於太子及歸意
常怏怏會李靖破其國國人窮蹙怨天柱王順因衆
心斬天柱王舉國請降伏允帥千餘騎逃磧中十餘
日衆散稍盡爲左右所殺國人立順爲可汗壬子李
靖奏平吐谷渾乙卯詔復其國以慕容順爲西平郡
主號趙胡呂烏甘可汗上慮順未能服其衆仍命李
大亮將精兵數千爲其聲援 李靖傳初吐谷渾寇

邊帝謂侍臣曰李靖能復起爲帥乎靖往見房玄
曰吾雖老尚堪一行帝喜以爲西海道行軍大總管
任城王道宗侯君集李大亮李道彥高甌生五摠管
兵皆屬軍次伏侯城吐谷渾盡火其莽退保大非川
諸將議春草未萌馬弱不可戰靖決策深入遂踰磧
石大戰數十多所殺獲殘其國國人多降吐谷渾伏
允愁促自經死靖更立大寧王慕容順而還
江夏
王道宗傳吐谷渾寇邊李靖出崑丘道詔與侯君集
爲靖副賊聞兵且至走嶂山數千里諸將止獨道宗
請窮追靖曰善道宗以單師進去大軍十日及之吐

谷渾據險殊死。關道宗陰引千騎超山乘其後。賊驚
遂大潰。

侯君集傳李靖討吐谷渾以君集爲積石
道行軍總管。師次鄯州。議所向。君集曰。王師已至。而
賊不走險。天贊我也。若以精兵掩其不備。彼不我虞。
必有大利。若遁阻山谷。克之實難。靖然其計。簡銳士
約齋深入。追及其衆於庫山。戰破之。進會大非川。平
其國。

薛萬均傳

爲沃沮道行軍副總管。李靖討吐

谷渾。軍次青海。萬均萬徹各以百騎行前。卒與虜遇。
萬均單騎馳突。無敢當者。還與諸將曰。賊易與。後馳
進擊。斬數千級。勇蓋二軍。追奔至積石山。斬其將衆。遂

潰追至圖倫磧乃還與靖會青海 吐谷渾酋吐谷
渾居其松山之陽洮水之西隋時其王慕容伏允號
步薩鉢常寇邊太宗正觀八年遣使人貢未還卽寇
鄯州連歲遣名王入朝俄寇涼州拘行人趙德楷九
年詔靖擊之 六丁 伏允走君集道宗行空荒二千里
達栢海上望積石山覽觀河源伏允子斬天柱王舉
國降

唐監澤道行軍總管敗叛羌

紀正觀九年正月黨項羌叛三月庚辰洮州羌殺刺
史孔長秀附吐谷渾乙酉總管高旣生敗之七月庚

子副總管劉德敏及羌人戰敗之

唐闕水道行軍總管敗吐蕃

紀正觀十二年八月壬寅吐蕃寇松州侯君集爲當

彌道行軍大總管率三總管兵伐之九月辛亥闕水

道總管牛進達及吐蕃戰于松州敗之

吐蕃本西羌屬蓋百五十

種散居河湟江岷門

通監正觀八年始遣使來朝上遣使撫

尉吐蕃奉表求昏上未許十二年弄讚發兵擊吐谷

渾破党項白蘭諸羌尋攻松州州判歸之八月壬寅

侯君集爲大總管甲辰牛進達濶水道劉蘭

一作洮

河道執失思力白蘭道行軍總管將步騎五萬擊之

吐蕃攻城十餘日進達爲先鋒九月辛亥掩其不備
夜蹙其營敗之於松州城下斬千餘級引退。

唐交河道大總管破高昌 俘獻 紀功

觀德殿飲至

紀正觀十三年十二月壬申侯君集爲交河道大總
管以伐高昌十四年八月癸酉侯君集克高昌十二
月丁酉侯君集俘高昌以獻 侯君集傳高昌不臣

拜交河道行軍大總管出討其王麴文泰笑曰唐去
我七千里磧鹵二千里無水草冬風裂肌夏風如焚
行賈至者百之一安能致大兵乎吾且擊而虜之君

集次磧口而文泰死子智盛襲位進營柳谷候騎言國
方葬君諸將請襲之君集曰不可天子以高昌驕慢
使吾恭行天罰今襲人於墟墓間非問罪也於是鼓
而前賊嬰城自守遣諭之不下乃刊木塞塹引撞車
毀其堞飛石如雨所向無敢當因拔其城進圍都城
初文泰與西突厥欲谷設約有急相援及是欲谷設
益懼智盛失援乃降高昌平君集刻石紀功還

高昌

傳高昌王都交河城漢車師前王廷也其田地城戍
已校尉所治也太宗即位其王麴文泰獻元狐裘正
觀四年文泰來朝禮賜甚厚求預宗盟有詔賜氏李

久之文泰與西突厥通凡西城朝貢道其國咸見
掠伊吾嘗臣西突厥至是內屬文泰與葉護兵擊之
帝下詔責其反覆召大臣冠軍阿史那距討事文泰
不遣使長吏麴雍來謝罪初大業末華人多奔突厥
及頡利敗有逃入高昌者有詔護送文泰苛留之又
與西突厥乙毗設破焉耆三城焉耆王訴諸朝帝遣
虞部郎中李道裕問狀復遣使謝帝引責曰而王數
年朝貢不入無藩臣禮擅置官儼効百察今歲首萬
君長悉爲來而主不至我使人往文泰猥曰鷹飛于
天雉竄于蒿鼠安于穴猫遊于堂豈不甚快耶西域

使者入朝而主悉拘梗之明年我當發兵虜而國時
薛延陀可汗請爲軍向道故民部尚書唐儉至延陀
堅約帝復下璽書示文泰禍福使人朝文泰遂稱
疾不至乃拜侯君集爲交河道大總管武衛將軍牛
進達爲行軍總管率突厥契苾驕數萬討之十四年
王師至積石文泰驚悸無它計發病死子智盛立君
集奄攻田城契苾何力以前軍鏖戰是夜星墜城中
明日拔其城虜七千餘人中郎將辛獠日兒以勁騎
夜逼其都智盛以書遺君集請赦罪君集令其面縛
軍門智盛不答軍進填隍引衝車毀其堞飛石如雨

城中大震八月癸酉智盛等請軍門請改事天子君
集使諭降辭未屈薛萬均勃然曰當先取城小兒何
足與語麾而進智盛伏汗流地曰惟公命乃降君集
分兵掠定凡三州五縣二十二城戶八千口三萬馬
四千先是國人謠曰高昌兵如霜雪唐家兵如日月
日月照霜雪幾何不殄滅捷書聞天子大喜宴群臣
班賜策功披其地皆州縣之號西昌州旋又改爲西
州更置安西都護府歲調千兵謫罪人以戍初文泰
以金厚餉西突厥欲谷設約有急爲表裏使葉護屯
可汗浮圖城及君集至懼不敢發遂來降以其地爲

廷州君集勒石紀功凱而旋十二月丁酉

本傳無

俘

智盛君臣獻觀德殿行飲至禮

左傳曰及行飲至舍爵策勳晉自城濮還

飲至

大酺

三日上得高昌樂工增九部樂爲十部

姜確傳字行本高昌之役爲行軍副總管出伊州距柳谷百里依山造攻城增損舊法械益精其處有漢班超紀功碑行本磨碑去古刻更刊頌陳國威靈與君集平高昌有功璽書尉勞

唐朔州道行軍總管李世勣平薛延陀

鐵勒十一部內屬

告功太廟

紀正觀十五年十一月癸酉薛延陀寇邊兵部尚書

李世勣爲朔州道行軍總管右衛大將軍李大亮爲靈州道行軍總管涼州都督李襲譽爲涼州道行軍總管以伐之十二月甲辰李世勣及薛延陀戰于諾真水敗之十九年十二月己未薛延陀寇夏州左領軍執失思力敗之二十年正月辛未夏州都督喬師望及薛延陀戰敗之六月乙亥江夏郡王道宗李世勣伐薛延陀七月辛亥李世勣及薛延陀戰敗之

通監正觀十五年薛延陀真珠可汗聞上將東封謂其下曰天子封泰山士馬皆從邊境必虛我以此時取思摩如拉朽耳乃命其子大度設發同羅僕骨回

紇韃鞬等兵合二十萬度漠南屯白道川據善陽
嶺以擊突厥侯利苾可汗不能禦帥部落入長城保朔
州遣使告急十一月癸酉上命營州都督張儉帥所
部騎兵及奚霫契丹壓其東境以尚書李世勣爲朔
州道行軍總管將兵六萬騎千二百傳云屯朔方右
衛大將軍李大亮爲靈州道行軍總管將兵四萬騎
五千屯靈武右屯衛將軍張士貴將兵一萬七千爲
慶州道行軍總管出雲中涼州都督李襲譽爲涼州
道行軍總管出其西諸將辭行上戒之日薛延陀負
其強盛踰漠而南行數千里馬已疲瘦凡用兵之道

見利速進不利速退薛延陀不能掩思摩不備急整
之思摩入長城又不速退吾已敕思摩燒薶秋草彼
糧糗日盡野無所獲頃候者來云其馬齧林木枝皮
畧盡卿等當與思摩共爲犄角不須遽戰候其將退
一時奮擊破之必矣十二月己亥薛延陀遣使人見
請與突厥和親甲辰李世勣敗薛延陀於諾真水初
薛延陀擊西突厥沙鉢羅及阿史那社爾皆以步戰
取勝及將入寇乃大教步戰使五人爲伍一人執馬
囚人前戰戰勝則授以馬追奔於是大度設將三萬
騎逼長城欲擊突厥而思摩已走知不可得遣人登

城罵之會世勣引精兵至塵埃漲天大度設懼將其
衆自赤柯濼北走世勣遷麾下及突厥精騎六千自
直道邀之踰白道川追及於青山大度設走累日至
諾真水勒兵還戰陳亘十里突厥先與之戰不勝還
走大度設乘勝追之遇唐兵薛延陀萬矢俱發唐馬
多死世勣命士卒皆下馬執長稍直前衝之薛延陀
衆潰副總管薛萬徹以數千騎收其執馬者薛延陀
失馬不知所向爲唐兵縱擊斬首三千餘級捕虜五
萬餘人大度設脫身走萬徹追之不及其衆至漠北
直大雪人蓄凍死者什八九

延陀能以術禱神李世
致雪及是反自赦

勤還軍定襄突厥思結部落居五臺者叛走州兵追
之會世勤軍還夾擊悉誅之丙子薛延陀使者辭還
上謂之曰吾約汝與突厥以大漠爲界有相侵者我
則討之汝自恃其強踰漠攻突厥李世勤所將纔數
千騎耳汝已狼狽如此歸語可汗凡舉措利害可善
替其宜 李世勤傳薛延陀子大度設以八萬騎侵
李思摩詔世勤爲朔方道行軍總管將輕騎六千擊
大度設青山斬名王一俘口五萬其後二十延陀部落
叛詔將二百騎發突厥兵討之大戰烏德鞬山破之
可汗咄摩支遁入荒谷磧北遂定 薛萬徹傳萬徹

率數百騎爲先鋒繞擊賊後虜遂潰斬三千級獲馬
萬五千 薛延陀傳延陀姓一利啞氏先與薛種雜
若後滅延陀部有之號薛延陀在鐵勒部最雄張太
宗方圖頡利正觀三年遣使齎詔書鼓纛册拜其王
夷男爲真珠毗伽可汗夷男遣使謝歸方物乃建牙
鬱督軍山地大多附於是回紇諸部皆伏屬其弟統
特勒入朝帝以精刀寶鞭賜之曰下有天過者以吾
鞭鞭之夷男以爲寵頡利可汗之滅塞隊空荒夷男
率其部稍東保都尉韃山獨邏水之陰蓋古匈奴地
也勝兵二十萬以二子大度設突利失分將之號南

北部正觀七年帝恐後強大爲患欲產其禍乃下詔

拜其二子皆爲小可汗

十二年九月癸亥

十五年帝以李思

摩爲可汗始度河牙於漠南夷男惡之未發聞帝幸

洛陽將封太山夷男與其下謀曰

云云同通監

斬首

數千級獲馬萬五千大度設亡去會雪甚衆踣死者

十八始延陀能以術禳神致雪冀困勦師及是反自

敝云十六年

朮

遣使謝罪請昏許之納貢後時乃下

詔絕昏

十七年閏六月

十九年

壬申

夷男死嫡子拔灼自立

爲多彌可汗方是時王師猶在遼即寇邊帝遣江夏

王道宗屯朔州薛萬徹阿史那社尔屯勝州薩孤吳

仁屯靈州。執失思力與突厥摘角塞下虜。知有備。乃

去。紀云十二月己未寇夏州。執失思力敗之。拔灼多殺父時貴人。國人不

安。而阿波設與唐使者遇於靺鞨東鄙。小戰不利。還

怖。國人曰。唐兵至矣。衆大擾。諸郡遂潰。二十年。肱多

彌可汗以十餘騎遁去。依阿史那時健。俄爲回紇所

殺。衆五六萬奔西域。立真珠毗伽可汗。昆弟子咄摩

支號伊特勿失可汗。遣使上言。願保鬱督軍山。帝詔

兵部尚書崔端禮與李勣慰安之。俾定其國。帝恐卒

爲患。詔靖等曰。降則撫之。叛則擊之。勣至。咄摩支駭。

陰欲拒戰。好言乞降。勣縱兵擊。斬五千餘級。遂滅其

國咄摩支聞天子使者齋嗣業在回紇身詣嗣業乞

降入朝

七月

拜右武衛將軍帝以延陀滅欲并契苾等

降之復遣道宗率阿史那社爾等分部窮討帝幸靈

州

八月己巳幸夷辰次涇州

節度諸將於是鐵勒十一部皆請歸

命天子請內吏屬

九月甲辰請上號爲可汗

道宗等經磧擊延陀

餘衆阿波達干斬首千餘級逐北二百里萬馱抵北

道諭降回級諸酋虜所遣使踵及帝行在凡數千人

帝剖其地爲州縣北荒遂平告功太廟

八月甲申

賜酺三

日二十二年餘部叛以右領軍大將軍執失思力伐

於金山討平之

八月辛未

靈州勦石見後

唐西州道行軍大總管郭孝恪平焉耆

紀正觀十八年八月壬子安西都護郭孝恪爲西州道行軍總管以伐焉耆九月辛卯郭孝恪及焉耆戰敗之通監正觀十八年焉耆貳於西突厥大臣屈利啜爲其弟娶焉耆王女由是不朝貢安西都護郭孝恪請討之詔以孝恪爲西州道行軍總管帥步騎三千出銀山道以擊之會焉耆王弟頡鼻兄弟三人至西州孝恪以頡鼻弟栗婆準爲鄉導焉耆城四面皆特險而不設備孝恪倍道兼行夜至城下浮水而渡比曉登城執其王突騎支獲首虜七千級留栗婆

準權國事而還。孝恪去三日。屈利啜引兵救焉。耆不
及執。栗婆準以勁騎五千追孝恪。至銀山。孝恪還擊
破之。追奔數十里。五月辛卯。上謂侍臣曰。孝恪近奏
稱八月十一日。往擊焉耆。二十日應至。必以二十日
破之。朕計其道里。使者今日至矣。言未畢。驛騎至。突
厥屈利啜使其吐屯攝焉耆王。遣使上貢。上數之曰。
我發兵擊得焉耆。汝何人而據之。吐屯懼。反其國焉。
耆立栗婆準從父兄薛婆阿支為王。冬十月。郭孝恪
鏢焉耆王突騎支及其妻子詣行在。敕宥之。丁巳。上
謂太子曰。焉耆王不求賢輔。不用忠謀。自取滅亡。係

頸束手。漂搖萬里。以此恩懼可知矣。焉耆傳焉耆國

直係京師七十里。太宗正觀七年。其王突騎支遣使

來朝。會西突厥臣屈利啜為弟娶突騎支女。遂相約

為輔車勢。不朝貢。安西都護郭孝恪請討之。云云。俄

而邊遽以捷布聞。囚突騎及妻子送洛陽。有詔赦罪。

屈利啜以兵救焉耆。屈利啜囚粟婆隼。更使吐屯攝

王遣使以告。帝曰。焉耆我所下。爾乃王之耶。吐屯懼

不敢王。立突騎支弟婆伽利為王。以其地為焉耆都

府。郭孝恪傳初。王師滅高昌。詔以所虜焉耆生

口還焉耆。王叛歸。欲谷沒可汗。孝恪請擊之。即拜

西州道行軍總管率步騎三千出銀山道夜襲虜其
王龍突騎支帝悅降璽書褒勞

唐右武侯將軍破松林蠻

通鑑正觀二十二年四月丁巳右武侯將軍梁建方

擊松外蠻

紀云松州蠻

破之初傳州都督劉伯英上言松

外諸蠻蹙降復叛請討之以通西洱天竺之道敕建
方發巴蜀十二州兵討之蠻酋雙含帥衆拒戰建方
敗之殺獲千餘人

南蠻傳云殺獲十餘萬

群蠻懾竄建方遣使

諭以利害皆來歸附前後至者七十部戶十萬九千
三百因遣使詣西洱河其酋楊盛大駭使者諭以威

信遂請降建方振旅還

傳云西海河首領楊同松外首領蒙羽入朝

唐右衛率府長史破天竺吐蕃獻俘

通監正觀二十二年五月庚子王元策擊中天竺王

阿羅那順大破之吐蕃傳王元策使西域爲中天

竺所鈔弄贊發精兵從元策破之來獻俘西域傳

天竺漢身毒國也居葱嶺南分五天竺幅員三萬里

隋煬帝時遣裴矩通西域獨天竺不至武德中浮屠

元奘至其國王尸羅逸多召見曰而國有聖人出作

秦王破陣樂試謂我言其爲人元奘粗言太宗神武

平禍亂四夷賓服狀王喜正觀十五年自稱摩伽陀

王遣使上書帝命梁懷持節慰撫復遣使入朝詔李
義表報之復獻火珠鬱金菩提木二十二年四月遣
右衛率府長史王元策使其國蔣師仁爲副未至尸
羅逸多死國人亂其臣那伏帝阿羅那順自立發兵
拒元策從騎纔數十不能勝皆沒遂剽諸國貢物元
策挺身奔吐蕃西鄙檄召鄰國兵吐蕃以兵千人來
浞婁羅以七千騎來元策部分進戰破和羅城斬首
三千溺死萬人阿羅那順委國走合散兵復陳師仁
禽之俘斬千計餘衆奉王妻息阻乾陀衛江師仁擊
之大潰獲其妃王子虜男妾萬二千人城邑降者五

百八十所元策執阿羅那順獻闕下有司告宗廟天

竺王尸鳩摩送
牛馬三萬餽軍

唐崑丘道行軍大總管阿史那社爾俘龜

茲 勒石紀功 紫微殿受俘 破處月

處密二部

紀正觀二十一年十二月戊寅左驍騎大將軍契苾

何力為崑丘道行軍大總管率三總管兵以代龜茲

二十二年十月己巳阿史那社爾及龜茲戰敗之

十二月執其王二十三年正月辛亥阿史那社爾俘

龜茲王以獻 阿史那社爾傳正觀二十一年以崑

丘道行軍大總管與契苾何力郭孝恪楊弘禮李海
岸等五將軍發鐵勒十三部及突厥騎十萬討龜茲
師次突厥擊處密真敗之入自焉耆西兵出不意龜
茲震恐進屯磧石去王城三百里社爾先遣伊州刺
史韓威以千騎先進將軍曹繼叔次之至多揭城與
王遇其將羯獵顛兵五萬拒戰威佯却王見威兵少
麾而進威退與繼叔合還戰大破之追奔八十里社
爾因拔都城王輕騎遁社爾率精騎追躡行六百里
王據大撥換城嬰險自固社爾攻凡四十日擒其王
并下五大城降者七十餘城宣諭威信莫不歡服刻

石紀功而還。

龜茲傳高祖受禪王蘇伐勃遣使入

朝會死子蘇伐疊立正觀四年獻馬太宗賜璽書撫
慰後臣西突厥郭孝恪伐焉耆乃遣兵與影援自是
不朝貢蘇伐疊死弟訶黎布失畢立二十一年兩遣
使朝貢然帝怒其佐焉耆叛議討之是夜月食昴詔
曰月刑兆也星胡分數且終乃以阿史那社爾為崑
丘道行軍大總管契苾何力副之率安西都護郭孝
恪司農卿楊弘禮左武衛將軍李海岸等發鐵勒十
三部兵十萬討之社爾分五軍掠其北執焉耆王阿
那支龜茲大恐酋長皆棄城走社爾次磧石敗其兵

進將圍之王引突厥西走城遂拔老洛居守沙州
史蘇海致行軍長史薛萬脩以精騎窮躡六百里
計窮保撥換城社爾圍之閱月執王及其將錫獵所
閏十月二年而其相那利夜逸以西突厥并國人萬餘
來戰耶孝恪死之倉部郎中崔義起募兵戰城中繼
叔威助之斬首三千級那利敗亡散復振還襲王師
右驍衛將軍曹繼叔乘之斬八千級那利走或執以
詣軍社爾凡破五大城諭降小城七百餘男女數萬
西域震懼立王弟葉護王其國勒石紀功而還書聞
帝喜宴紫微殿見群臣從容曰朕嘗言之高官厚秩

士大夫樂也戰無前敵將帥樂也四海寧一帝王樂也朕今樂矣遂徧賜羣臣杜爾執訶黎布失畢及那利羯獵顛獻太廟正月三日帝受俘紫微殿狂責其罪群臣道首伏以布失畢為左武衛中郎將始徙安西都護於其都統于闐碎葉疏勒號四鎮

張昌齡

傳為崑丘正記王平遠茲露布為士所稱

楊弘禮

傳為副總管破虜公焉耆王降馭支部獲龜茲于

闐王凱旋通鑑二十二年三月甲午上謂侍臣曰

今崑丘行部虜月廢密二部每懷首鼠必先授首九

月庚辰杜爾擊處月處密二部破之餘衆降薛

備至于闐勸伏閣信入見天子乃隨使者來會
漢長羅侯常惠攻龜茲斬姑翼

王海卷第一百九十



玉海卷第一百九十一

浚儀王應麟伯厚甫

兵捷

兵捷 露布 三

唐左翊衛郎將俘車鼻可汗

高宗紀正觀二十三年十一月乙丑左翊衛郎將

及傳

通監云右
驍衛郎將

高侃伐突厥末徽元年六月侃及突厥戰

金山敗之九月癸卯俘車鼻可汗以獻 傳車鼻突

利部人名斛勃世爲小可汗薛延陀將殺之乃竄金

山之北三垂斗絕惟一面容車騎勝兵三萬自稱乙

汪車鼻可汗距長安萬里延陀衰執益張正觀二十一年十一月遣子獻方物且請入朝帝遣將軍安調遮郎將韓華迎之車鼻無入朝意華鬪死調遮被殺帝怒二十三年遣倨發回紇僕骨兵擊之大酋長歌邏祿等降末徽元年倨師至阿息山部落不肯戰車鼻從數百騎走倨師精騎追至金山獲之獻京師高宗責曰罪當死然先帝獲酋長必宥之乃釋縛數俘社廟見昭陵處其衆鬱督軍山建狼山都督府統之其子羯漫陀降建新黎州使領其衆葛邏祿亡族皆內屬突厥盡爲封疆臣矣

唐左領軍將軍行軍總管破白水蠻

紀永徽二年八月己卯白水蠻寇邊左領軍將軍趙孝祖爲郎州道行軍總管以伐之十一月戰于羅犴侯山敗之三年四月庚寅又敗之按南蠻傳右顯養東魯諸蠻永徽三年與胡叢皆叛以曹繼叔爲崔州道行軍總管戰斜山拔十餘城斬首七百獲馬犂牛萬五千

唐伊麗道行軍大總管俘賀魯臨軒受

俘

紀永徽二年正月乙卯瑤池都督阿史那賀魚叛六

年五月癸未程知節爲葱山道行軍大總管以伐賀魯顯慶元年八月辛丑程知節及賀魯戰敗之九月癸未又敗之二年閏正月庚戌以右屯衛將軍蘇定方爲伊麗道行軍總管以伐賀魯十二月丁巳蘇定方敗賀魯于金牙山執之三年十一月甲午蘇定方俘賀魯以獻

通監高宗顯慶二年蘇定方及西夷

厥沙鉢羅可汗至金山北擊處木昆部大破之其俟斤嬾獨祿等帥萬餘帳來降定方撫之發其千騎與俱右領軍郎將薛仁貴上言泥孰部素不伏賀魯爲賀魯所破虜其妻子今唐兵有破賀魯諸部得泥孰

妻子者宜歸之仍加賜資使彼明知賀魯爲賊而大
唐爲之父母則人致其死不遺力矣泥孰喜請從軍
共擊賀魯定方至曳咥河西沙鉢羅帥十姓兵十萬
來拒戰定方唐兵及回紇萬餘人擊之沙鉢羅輕定
方兵少直進圍之定方令步兵據南原攢稍外向自
將騎兵陳於北原沙鉢羅大敗追奔三十里斬獲數
萬人明日勒兵復進於是胡祿屋等五弩失畢悉衆
來降沙鉢羅獨與處木昆屈律啜數百騎西走時阿
史那步真出南道五咄陸部落聞沙鉢羅敗皆詣步
真降定方乃命蕭嗣業回紇婆闍將胡兵趨邪羅斯

川追沙鉢羅定方與任雅相將新附之衆繼之會大雪平地二尺軍中咸請俟晴而行定方曰虜恃雪深謂我不能進必休息士馬亟追之可及若緩之彼遁逃浸遠不可復追省日兼功在此時矣乃蹋雪晝夜兼行所過收其部衆至雙河與阿史那彌射步真兵合去沙鉢羅所居二百里布陣長驅徑至其牙帳沙鉢羅與其徒將獫狁定方掩其不備縱兵擊之斬獲數萬人得其鼓纛沙鉢羅與其子陁運婿闔等脫走趨石國定方於是息兵諸部各歸其所居通道路置郵驛掩骸骨問疾苦畫疆場復生業凡爲沙鉢羅所

掠者悉括還之十姓安堵如故乃命蕭嗣業將兵還沙鉢羅定方引軍還沙鉢羅至石國西北蘇咄城人馬饑乏遣人齎珍寶入城市馬城主伊沮達官詐具酒食出迎誘之入閉門執之送于石國蕭嗣業至石國石國人以沙鉢羅授之

蘇定方傳從程知節征賀魯至鷹娑川賀魯率精騎五百馳擣賊衆大潰擢定方伊麗道行軍總管復征賀魯以任雅相回紇婆濶爲副出金山北先擊處木昆部

云云同通監

賀魯奔石國爲所拘彌射于元爽以兵與嗣業會縛賀魯以還由是修亭障列蹊隧定疆畛問疾苦唐之

州縣極四海矣高宗臨軒定方戎服奉賀魯以獻策
功行賞 賀魯傳本西突厥黠密可汗五世孫也始

阿史那步真來歸國咄陸可汗以賀魯爲葉護代步

真居多邏斯川咄陸失國

正觀十六年

乙毘躬匱可汗以

兵迫逐賀魯無常居部多散亡有執舍地三種以賀

魯無罪往請可汗可汗怒欲誅之乃與三種內附

二年四月乙亥

太宗優撫之累擢左驍衛大將軍瑤池都督

二十三年二月戊子

處其部於庭州莫賀城密招携散廬幕益

衆帝方崩卽謀取西廷二州刺史駱弘義以聞

永徽二年

高宗令賀魯遣子啞運入宿衛帝遣還啞運卽勸賀

魯引而西取咄陸可汗故地建牙於雙河千泉自號沙鉢羅可汗遂統咄陸等失畢十姓以陞運爲莫賀啜葉護寇廷州敗數縣殺掠數千人去高宗乃詔梁建方契苾何力爲弓月道行軍總管與德逸薩孤吳仁等討之然但能破處月永徽四年又以程知節爲蔥山道行軍大總管擊之斬獲雖衆亦未得其要領至是乃遣定方爲伊麗道行軍大總管率衆窮討定方以精騎至曳陁河西擊處木昆破之賀魯與十陞兵十萬騎來拒定方以萬人破之俘斬二萬衆乘勝逐北至賀魯牙二百里陣而行抵金牙山縱兵破其

牙俘數萬人賀魯跳度伊麗水定方追至碎葉水盡
奪其衆賀魯將奔之鼠耨沒至石國蘇咄城城主伊
涅達于迎之既入拘送石國會蕭嗣業兵至取之乃
悉散諸部兵開道驛牧露斲問人疾苦賀魯所掠悉
還之西域平高宗命執賀魯獻昭陵赦弗誅

唐沙磧道行軍總管破奚契丹

紀顯慶五年五月戊辰定襄都督阿史德樞賓爲總
管伐契丹十二月壬午及奚契丹戰敗之 通監四
月戊午樞賓及延陀梯真李合珠並爲冷斡道行軍
總管各將所部討叛奚奚降更以樞賓等出沙磧道

討契丹擒其松漠都督阿卜固獻東都 薛仁貴傳
與辛文陵破契丹于黑山執其王阿卜固獻東都

唐左驍衛大將軍安撫大使俘都曼 乾

陽殿受俘

紀顯慶四年十一月癸亥賀魯部悉結闕俟斤都曼
寇邊蘇定方爲安撫大使以伐之五年正月癸卯俘
都曼以獻 通監顯慶四年思結俟斤都曼帥疏勒

朱俱波竭槃陀三國反擊破于闐十一月癸亥以左
驍衛大將軍蘇定方爲安撫大使以討之蘇定方軍
至業葉水思結保馬頭川定方選精兵萬人騎三千

正馳往襲之一日一夜行三百里詰旦至城下都曼
敗退保其城及暮諸軍繼至遂圍之都曼懼而出降
五年春正月定方獻俘於乾陽殿法司請誅都曼定
方請曰臣許以不死故都曼出降願苟其餘生上曰
朕屈法以全卿之信乃免之葱嶺以西遂定

唐神丘道行軍大總管蘇定方俘百濟

紀顯慶五年三月辛亥右武衛大將軍蘇定方爲神
丘道行軍大總管新羅王金春秋爲嶠夷道行軍總
管率三將軍及新羅兵以伐百濟八月庚辰蘇定方
及百濟 敗之十二月戊戌蘇定方俘百濟王以獻

通監顯慶五年百濟恃高麗之援數侵新羅新羅王春秋上表求救三月辛亥以左武衛大將軍蘇定方爲神丘道行軍大總管帥左驍騎將軍劉伯英等水陸十萬以伐百濟以春秋爲岨夷道行軍總管將新羅之衆與之合執八月定方引軍自成山濟海百濟據熊津江口以拒之定方進擊破之百濟死者數千人餘皆潰走定方水陸齊進直趨真都城未至二十餘里百濟傾國來戰大破之殺萬餘人追奔入其郭百濟王義慈及太子隆逃北境定方進圍其城義慈次子泰自立爲王帥衆固守隆子文思曰王與太

子皆死而叔季擁兵自王借使罷却唐兵我父子必不全矣遂率左右踰城來降百姓皆從之秦不能止定方命軍士登城立幟秦窘迫開門請命於是義慈隆及諸城主皆降百濟故有五部分統三十七郡二百城七十六萬戶詔以其地置熊津等五都督府以其酋長爲都督刺史十一月戊戌朔上御則天門樓受百濟俘自其王義慈以下皆釋之蘇定方傳定

方爲神丘道大總管

定方名烈

率師討百濟自成山濟海

至熊津口賊瀕江屯兵定方出左涯乘山而陳與之戰賊敗死數千王師乘潮而上舳艫銜尾進鼓而謀

定方將步騎夾引直趨真都城賊傾國來酣戰破之
殺虜萬人乘勝入其邪王義慈及太子隆北走定方
進圍其城義慈子泰自立爲王率衆固守義慈之孫
文思率左右縋城下人多從之泰不能止定方使士
登城建唐旗幟於是泰開門請命其將植與義慈降

隆及諸城送款百濟下俘義慈隆泰以獻

定方滅三國皆生執

其東夷傳百濟扶餘別種也濱海之陽直京師六

千里而羸武德四年其王扶餘璋遣使獻果下馬自

是朝貢高祖冊爲帶方郡王後五年訟高麗梗貢道
太宗正觀初遣使平其怨又與新羅世仇數相侵帝

賜璽書令忘前怨璋奉表謝然亦兵不止再遣使入朝上優勞之十五年璋死太宗冊其子義慈爲柱國紹王其國明年與高麗連和伐新羅取四十餘城又謀取党項城絕貢道新羅告急帝遣司農丞相里元奘齋詔解諭之聞帝親討高麗乃間取新羅七城久之又奪十餘城因不朝貢高宗立乃遣使來帝詔義慈還新羅城永徽六年新羅訴高麗百濟靺鞨取北境三十城顯慶五年乃詔左衛大將軍蘇定方率將軍劉伯英馮士貴龐孝恭等發新羅兵討之自成山濟海百濟守熊津口定方縱擊敗之王師乘潮帆以

進趨真都城虜悉衆拒復破之斬首萬餘級拔其城
義慈挾太子隆走北鄙定方圍之次子泰自立爲王
云云同通監定方令士超堞立幟泰開門降遂執義

慈隆及小王孝演酋長五十八人送京師

一本云十月定方

執義慈等案紀當在十二月必誤

平其國五部三十七郡二百城戶

七十六萬乃析置熊津馬韓東明金漣德安五都督府

唐鐵勒道行軍大總管破鐵勒

紀龍朔元年十月癸酉鄭仁泰爲鐵勒道行軍大總管蕭嗣業爲仙萼道行軍大總管阿史那忠爲長岑

道行軍大總管以伐鐵勒二年三月庚寅仁泰及鐵

勒戰于天山大敗之

三年正月仁泰討餘種平之

薛仁貴傳九

姓衆十餘萬令驍騎數十來戰仁貴發三矢殺三人

軍中歌曰將軍三箭定天山將士長歌入漢關

會

要乾封元年三月鐵勒道行軍大總管右武衛大將

軍鄭仁泰左武衛將軍薛仁貴破鐵勒之衆於天山

唐熊津道行軍總管破百濟

紀龍朔二年七月戊子右威衛將軍孫仁師爲熊津

道行軍總管伐百濟三年九月戊子仁師及百濟戰

于白江敗之

通監龍朔元年初蘇定方旣平百濟

留其將劉仁願守百濟府城又以左衛中郎將王文
度爲熊津都督撫其餘衆文度濟海而卒百濟僧道
琛故將福信聚衆據周留城迎故王子豐於倭國而
立之引兵圍仁願於府城詔起劉仁軌檢校帶方州
刺史將文度之衆便道發新羅兵以救仁願仁軌喜
曰天將富貴此翁矣於州司請唐曆及廟諱而行曰
吾欲掃平東夷頌大唐正朔於海表仁軌御軍嚴整
轉鬪而前所向皆平下百濟立兩柵於熊津江仁軌
與新羅兵合擊破之殺溺死者萬餘人道琛等乃釋
府城之圍退保任存城新羅糧盡引還道琛自稱領

軍將軍福信自稱霜岑將軍招集徒衆其執益張仁
軌衆少與仁願合軍休息士卒二年秋七月丁巳仁
願仁軌大破百濟於熊津之東拔真峴城初仁願仁
軌等屯熊津城上與之敕書以平壤軍回一城不可
獨固宜拔就新羅若金法敏藉卿留鎮宜且停彼若
其不須卽宜泛海還也將士咸欲西歸仁軌曰人臣
徇公家之利有死無貳豈得先念其私主上欲滅高
麗故先誅百濟留兵守之制其心腹雖餘寇克斥而
守備甚嚴宜厲兵秣馬擊其不意理無不克旣捷之
後士卒心安然後分兵據險開張形勢飛表以聞更

求益兵朝廷知其有成必命將出師聲援才接凶醜
自殲非直不棄成功實亦未清海表今平壤之軍旣還熊
津又拔則百濟餘燼不日更興高麗逋寇何時可滅今
且以一城之地居敵中央苟或動足卽爲禽虜縱入新羅
亦爲羈客脫不如意悔不可追况福信殘虐君臣猜離
行相屠戮正宜堅守觀變乘便取之不可動也衆從之
時百濟王豐與福信等以仁願等孤城無援遣使謂之
曰大使等何時西還當遣相送仁願仁軌知其無備忽
出擊之拔其支羅城及尹城太山沙井等柵殺獲甚衆
分兵守之仁軌伺其稍懈引新羅兵夜傳城下攀草而

上比明入據其城遂逼新羅運糧之路仁願乃奏請益
兵詔發淄青萊海之兵七千人以赴熊津福信專權與
百濟王豐浸相猜忌福信稱疾卧於室欲俟豐問疾而
殺之豐知之帥親信襲殺福信遣使詣高麗倭國乞師
以拒唐兵三年九月戊午熊津道行軍總管右威衛將
軍孫仁師等破百濟餘衆及倭兵於白江拔其周留城
初劉仁願劉仁軌既克真峴城詔孫仁師將兵浮海助
之百濟王豐南引倭人以拒唐兵仁師與仁願仁軌合
軍勢大振諸將以加林城水陸之衝欲先攻之仁軌曰
加林險固急攻則傷士緩之則曠日持久周留城虜之

巢穴羣兇所聚除惡務本宜先攻之若克周留諸城
自下於是仁師仁願與新羅王法敏將陸軍以進仁
軌與別將杜爽扶餘隆將水軍及糧舡自熊津入白
江以會陸軍同趨周留城遇倭兵於白江口四戰皆
捷焚其舟四百艘煙焰灼天海水皆赤王豐脫身奔
高麗王子忠勝忠志等帥衆降百濟盡平唯別帥連
受信據任存城不下仁軌使黑齒常之沙咤相如攻
任存城拔之遲受信棄妻子奔高麗詔留劉仁軌將
兵鎮百濟召孫仁師劉仁願還百濟兵火之餘比屋
彫殘僵尸滿野仁軌始命瘞骸骨籍戶口理村聚置

官長通道塗立橋梁補隄堰復陂塘課耕桑賑貧乏
養孤老立唐社稷頒正朔及廟諱百濟大悅闔境各
安其業

金石錄有百濟班師碑
麟德元年馬大斌撰

唐遼東道行臺大摠管李勣俘高麗獻

俘昭陵 檄高麗 含元殿數俘

紀乾封元年十二月己酉李勣爲遼東道行臺大摠
管率六摠管兵以伐高麗二年八月辛未李勣及高麗
戰于新城敗之摠章元年二月壬午李勣敗高麗克
扶餘南蘇木底蒼城巖城九月癸巳李勣敗高麗王
高藏執之十二月丁巳俘高藏以獻

丁卯郊祭以高

麗平謝成于天已巳謂太廟

高麗傳高麗扶餘別

種其地本周箕子之國漢樂浪元菟郡正觀中蓋蘇
文弒其君高建武而立其弟之子藏爲王自爲莫離
支壽國帝聞自討之正觀十九年破高麗于駐蹕山
攻安市城不克班師

其詳見駐蹕山段

二十一年三月詔牛

進達李勣等伐高麗取石城而還二十二年詔薛萬
徹等伐高麗圍洎灼城斬大酋一破其援兵三萬乃
還帝與長孫無忌計曰高麗困吾師之入不勝敵矣
明年以三十萬衆公爲太總管一舉可滅也乃詔劍
南大治船儲糧械於三山浦島島越州治大艦偶舫

以待會帝崩乃罷來徽五年藏以靺鞨兵攻契丹大風矢還激大敗契丹遣使告捷高宗為露布于朝六年

年新羅訴高麗靺鞨奪三十六城有詔程名振蘇定

方帥師討之三月乙丑至新城敗高麗兵而還五月壬午

水敗顯慶三年復遣名振率薛仁貴攻之未能克六月

壬子拔後二年五月十二日天子已平百濟乃以左驍

亦烽鎮騎大將軍契苾何力右武衛大將軍蘇定方率諸將

討之龍朔元年八月甲戌定方破虜於涓江奪馬邑山

遂圍平壤明年龐孝恭以嶺南兵壁蛇水蓋蘇文攻

之舉軍沒定方解而歸乾封元年蓋蘇文死子男生

代爲莫離支與弟男建男產相怨男生據國內

子獻誠入朝求救蓋蘇文弟亦請割地降六月

乃詔契苾何力爲遼東道安撫大使龐同善高偁爲

行軍摠管左武衛大將軍薛仁貴左監門將軍李謹

行殿而行九月同善破高麗兵男生帥師來會十月

詔以李勣爲遼東道行軍大摠管兼安撫大使與何

力同善并力詔獨孤卿雲由鴨綠道郭待封積利道

劉仁願畢列道金待問海谷道並爲行軍摠管受勣

節度明年正月勣次新城合諸將謀曰新城賊西歸

不先圖餘城未易下遂壁西南山臨城城人縛戎酋

隆勛進拔城十有六郭待封以舟師濟海南趨平

三年

乾封三年即
總章元年

二月勛率仁貴拔扶餘城它城

三十皆納款同善侶守新城男建遣兵襲之仁貴救

得戰金山不勝高麗鼓而進銳甚仁貴橫擊大破之

斬首五萬級拔南蘇木底蒼巖三城引兵略地與勳

曾侍御史賈志言計事還帝問軍中云何對曰必克

首先帝問罪所以不得志者虜未有釁也今男生兄

不閱很爲我鄉道虜之情僞我盡知之將志士力豈

二必克且高麗秘記曰不及九百年當有八十大

之高氏自漢有國今九百年勳乎八十大

荐飢地震裂狼狐入城蚡穴於門人心危駭是行不
再舉矣男建以兵五萬襲扶餘勦破之薩賀水上斬
首五千級俘口三萬器械牛馬稱之進拔大行城契
苾何力會勦軍鴨綠拔辱夷城悉師圍平壤九月藏
達男達率首領百人降且請入朝男建猶固守出戰
數北大將浮屠信誠遣諜約內應門啓兵諜而入男
建自刺執藏男建等凡五部百七十六城戶六十九
萬詔勦獻俘昭陵十二月丁巳帝御含章殿引見勦
等數俘于庭赦藏爲司平太常伯男產司宰少卿投
男建黔州部其地爲都督府者九州二十四縣百復

置安東都護府

咸亨元年四月其酋鉗牟尋反立安

舜爲王庚午詔高侃爲東州道李謹行燕山道行軍

總管計之二年七月乙未朔侃破之安市城三年十

二月又敗之泉山俘新羅援兵二千四年閏五月謹

行破之於發蘆河俘馘萬計凡四年乃平

薛仁貴

傳乾封初高麗泉南生內附遣將軍龐同善高侃往

慰納第男建率國人拒弗納乃詔仁貴率師援送同

善至新城夜爲虜襲仁貴擊之斬數百級同善進次

金山衎虜虜不敢前高麗乘勝進仁貴擊之凡數百

級衆即潰斬馘五千拔南蘇木底蒼巖三城遂會男

生軍仁貴負銳提卒二千進攻拔餘城諸將以兵寡
勸止仁貴曰在善用不在衆殺賊萬餘人拔其城與
李勣軍合扶餘既降它四十城相連遂散威震遼海
有詔仁貴率兵二萬與仁軌鎮平壤拜安東都護移
治新城撫孤制盜隨才任職高麗士衆皆欣然忘亡
元萬頃傳從李勣征高麗管書記使萬頃草檄責
高麗契苾何力傳率兵四十萬先趨平壤勣繼進
攻凡一月拔之虜其王以獻

唐姚州道行軍總管平姚州蠻

紀咸亨三年正月辛丑姚州蠻寇邊太子右衛副率

梁積壽爲姚州道行軍掾管以伐之。

傳姚州境有

永昌蠻咸亨三年叛高宗以梁積壽爲掾管討平之。

中宗紀景龍元年六月戊子吐蕃及姚州蠻寇邊

姚嶠道討擊使唐九證盼之。

會要神功元年閏十

月蜀州刺史張柬之上表曰姚州古某牢國光武季

年始請內屬諸葛破南中使渠帥統之不置漢官不

留鎮守龍朔中武陵簿

子仁奏置姚州麟德元年五月八日

置其後將軍李義揔往征郎將劉惠戰死州遂廢垂

拱四年王善寶又請置川延載中司馬成琛更置瀘

南七鎮戍以蜀兵自是蜀中騷擾乞罷姚州隸嶺南

不納 駱賓王集姚州道破諾波弄楊虔露布浮竹
遺嗣沉木餘苗地接冉駝詞屢殫於喻蜀俗通繁瓠
聲不輟於吠堯又破設蒙險露布竹浮三節肇興外
穢變源木化九隆頗爲中國之患三年疲衆徒聞定
葆之譏五月出師未息渡瀘之役鄭純之化不追孟
獲之風逾扇 黃龍之約白馬之盟

唐雞林道行軍大總管改新羅

紀上元元年二月壬午劉仁軌爲鷄林道行軍大總
管以伐新羅二年二月戰于七重城敗之 通監上

元元年春正月紀二壬午以左庶子同中書門下三

品劉仁軌爲鷄林道大總管衛尉卿李敬右領軍大將軍李謹行副之發兵討新羅時新羅王法敏旣納高麗叛衆又據百濟故地使人守之上大怒詔削法敏官爵其弟右驍衛員外大將軍臨海郡公仁門在京師立以爲新羅王使歸國二年二月劉仁軌大敗新羅之衆於七重城又使靺鞨浮海畧新羅之南境斬獲甚衆仁軌引兵還詔以李謹行爲安東鎮撫大使屯新羅之買肖城以經畧之三戰皆捷新羅乃遣使人貢且謝罪上赦之復新羅王法敏官爵金仁問中道而還改封臨海郡公

新羅傳新羅弁韓苗裔

也武德四年王真平遣使入貢後三年拜柱國封樂浪郡王正觀五年獻雅樂更數世並襲封爲王龍朔元年以其國爲鷄林州大都督府授其王法敏都督咸亨五年納高麗叛衆畧百濟地守之帝怒云云同上劉仁軌傳弒守五年卽上元元年東伐新羅率兵絕瓠蘆河攻大鎮七重城破之

唐吏部侍郎裴行儉執都支

碎葉城刻

石紀功

紀調露元年六月辛亥吏部侍郎裴行儉伐西突厥九月壬午裴行儉敗西突厥執其可汗都支十一月

癸未帝

親勞宴曰行儉提孤軍深入萬里兵不血刃叛黨禽夷可謂文武兼備矣

傳咸亨二年

阿史那步真死以西部突部酋阿史那都支爲左驍

衛大將軍兼匁延都督以安輯其衆

四月甲申儀鳳二年

乃自號十姓可汗及李遮匁誘蕃落以動安西與吐蕃連和朝廷欲討之行儉曰吐蕃叛渙方熾安可更生事西方今波斯王死其子泥涅師質京有如遣使立之卽路出蕃若權以制事可不勞而功也帝因詔行儉冊送波斯王且爲安撫大食使至西州諸蕃郊迎行儉召豪傑千餘自隨揚言大熱未可以進宜駐軍須秋都支覘知之不設備行儉徐召四鎮酋長僞

改遊謂曰吾念此樂未始忘孰能從吾獵者於之子弟願從者萬人乃陰勒部伍數日倍道而進去都支帳十餘里先遣其所親問安否若外間暇非討襲者又使人趣召都支都支本與遮匄計及秋拒使者已而聞軍至倉卒不知所出率子弟五百餘人詣營謁遂禽之是日傳契箭召諸部渠長悉來請命並執送碎葉城簡精騎約齎襲遮匄道獲其使者釋之俾諭其王遮匄乃降悉俘至京師將吏爲刻石碎葉城以

紀功

王方翼築碎葉城

唐定襄道行軍大總管裴行儉破泥孰可

汗 平定族

通監高宗調露元年冬十月單于大都護府突厥阿
史德温傳奉職二部俱反立阿史那泥孰匐爲可汗
單于管二十四州酋長應之衆數十萬遣鴻臚卿單
于大都護府長史蕭嗣業左領軍衛將軍茹大智左
千牛衛將軍李景嘉等將兵討之嗣業等先戰屢捷
因不設備會大雪突厥夜襲其營嗣業狼狽拔營走
衆遂大亂爲虜所敗死者不可勝數十一月癸未上
宴裴行儉謂之曰卿有文武兼資今授卿二職乃除
禮部尚書兼檢校右衛大將軍甲辰以行儉爲定襄

行軍大總管將兵十八萬合西軍於豐州都督
程務挺東軍幽州都督李文暉總三十餘萬以討突
厥並受行儉節度永隆元年三月裴行儉大破突厥
於黑山禽其酋長奉職可汗泥孰匐爲其下所殺以
其首來降奉職既就擒餘黨走保狼山詔戶部尚書
崔知悌馳傳詣定襄宣慰將士且區處餘寇行儉引
軍還

紀調露元年十一月甲辰禮部尚書裴行儉

爲定襄道行軍大總管以伐突厥永隆元年三月戰

于黑山敗之

開耀元年正月寇原慶二州癸巳裴行儉爲定襄道大總管以伐突厥閏七月庚申敗之

九月壬戌裴行儉討突厥温傳可汗阿史那伏念以獻乙丑改元

突厥傳行儉旣破虜於

黑山其下斬泥孰匄以首降禽溫傳奉職以還餘衆
保狼山永隆中溫傳又迎頡利族子伏念於夏州渡河
立爲可汗諸部響應明年遂寇原慶二州復詔行儉
總諸軍以曹懷舜李文暉副之壁代州之陘口縱反
間說伏念令與溫傳相貳因遣兵擊伏念盜敗之伏念
與懷舜遇戰一日爲伏念所敗伏念益北留輜重妻
子保金牙山會行儉縱單于鎮兵躡之伏念意王師
不能遠不設備及兵至惶駭不得戰遂遣使間道詣
行儉且請縛溫傳自效行儉祕不布密以聞後數日
煙塵漲天而南溫傳來降行儉虜送京師斬東市於

是突厥餘黨悉平帝悅遣戶部尚書崔知悌勞軍

唐河源軍經畧大使敗吐蕃

紀高宗永隆元年七月己卯吐蕃寇河源辛巳左武衛將軍黑齒常之爲經畧大使開耀元年五月己丑及吐蕃戰于良非川敗之

黑齒常之傳贊婆等人

寇屯良非川常之爲河源軍副使引精騎三千夜襲

其軍斬二千級獲羊馬數萬拜經畧大使建言河源

當賊衝增兵鎮守乃斥地置烽七十所墾田五千頃

食衍士精永隆二年贊婆營青海常之掩破之燒糧

膾獲羊馬甲首不貲

吐蕃傳贊婆復入良非川常之擊走之

武后紀

長壽元年十月丙戌武威道行軍總管王孝傑敗吐蕃克四鎮久視元年閏七月丁酉吐蕃寇涼州隴右諸軍副大使唐休璟敗之于洪源谷吐蕃傳長壽

元年武威總管王孝傑率西州都督唐休璟左武衛大

將軍阿史那忠節擊吐蕃大破其衆復取四鎮更置

安西都護於龜茲以兵鎮守

唐休璟請復四鎮遂命王孝傑擊吐蕃會要

十一月一日復四鎮

唐休璟傳久視元年秋吐蕃

大將麴芬布支率騎數萬寇涼州入洪源谷休璟以

兵數千臨高望之被甲先登六戰皆克斬二將獲首

二千五百築京觀而還吐蕃來請和休璟儒而知兵

白碣石踰四鎮山川夷阻障塞之要皆能言行師未嘗敗

證聖元年欽陵贊婆攻臨洮王孝傑戰素羅汗山虜敗還又攻涼州殺都督贊婆死遣左肅政臺御史大夫魏元忠爲隴右諸軍大摠管率大使唐休璟出封方虜攻涼州休璟擊之斬二千級於是論彌薩來朝請和明年獻馬黃金求昏

唐瓜州長史薛仁貴破突厥

通監永淳元年突厥餘黨骨篤祿元珍等據黑沙城寇并州及單于府北境薛仁貴擊元珍於雲州大破

之薛仁貴傳爲嵐州長史右領軍衛將軍檢校代
州都督率兵擊突厥元珍於雲州突厥問曰唐將爲
誰曰薛仁貴突厥曰吾聞薛將軍流象州死矣安得
復生仁貴免胄見之突厥皆相視失色下馬羅拜稍
稍遁去仁貴因進擊大破之斬首萬級獲生口二萬
牛羊稱是

唐安西副都護敗突厥

紀永淳元年二月突厥車薄

十姓咽麴

三姓寇邊四月辛

未裴行儉爲金牙道行軍大摠管率三摠管兵以伐
突厥安西副都護王方翼及車薄咽麴戰於熱海敗

之傳車薄啜圍弓月城方翼戰伊麗河敗之囑
兵十萬踵至方翼次熱海遣騎分道襲之禽首領突
騎施等三百人初葛水暴漲沈祭以禱卽涉而濟葉
河無舟而冰一昔合時以爲祥西域平

弘道元年二月庚午突厥寇定州刺史霍王元軌令
開城門偃旗幟虜疑不敢入敗之垂拱三年八月寇
朔州燕然道行軍大總管黑齒常之敗之

唐朝方道行軍大總管破突厥

道監景龍元年五月戊戌右屯衛大將軍張仁愿爲
朔方道行軍大總管備突厥十月丁丑命擊之引兵

夜掩其營破之明年二月丙辰築三受降城

唐磧西節度使執西突厥

紀開元二年三月己亥磧西節度使阿史那獻執西

突厥都檐

六月丁卯獻于闐下

傳長安中獻爲北

庭大都護擢節度使十姓部落都檐叛獻擊斬之傳

首闕下取碎葉以西帳落二萬內屬

六云五萬餘帳

璽書嘉

慰 壺漿塞陌襁負而來

唐北庭都護敗突厥

紀開元二年二月突厥寇北庭都護郭虔瓘敗之

閏月

癸未丙寅畢降十月十日近胡祿屋

郭虔瓘傳開元

等年

丙寅

畢降

十月

十日

近胡祿屋

郭虔瓘

傳開元

二年

二月

帝置酒

勞虔瓘

虔瓘

傳開元

二年

二月

帝置酒

初遷右驍衛將軍兼都護金山道副大總管明年

二月乙未默啜子同俄特勒圍北庭虔瓘飭壘自守同俄

單騎馳城下勇士狙道左突斬之虜亡酋長丐降

二月四月戊午賞功封虔瓘大原郡公食二千戶郭知運介休縣公一千戶

種斬天驕之愛息

唐左羽林將軍隴右防禦大使破吐蕃

紀開元二年八月乙亥吐蕃寇邊薛訥攝左羽林軍

將軍為隴右防禦大使右驍衛將軍郭知運為副以

代之十二月甲子薛訥及吐蕃戰于武階敗之吐

蕃傳本西羌屬居析支水西祖曰鶻提勃悉野健武

多智後其子孫曰吐蕃而姓勃窣野或曰南涼禿髮利鹿孤之後直京師八千里其國多雷霆積雪自弃宗弄贊正觀八年始遣使來朝太宗下書臨撫及遣使求昏帝不許遂勒兵二十萬入寇乃詔吏部尚書侯君集爲行軍大總管及執失思力牛進達劉蘭並爲行軍總管率步騎五萬進達自松州夜鏖其營斬首千級弄贊懼引而去以使者來謝罪固請昏十五年妻以宗女文成公主褰氍毹襲紈綃爲華風遣子弟入國學習詩書帝伐遼還冶黃金爲鴟以獻高宗擢駙馬進封西海郡王賜餉蕃溼求徽初弄贊死

孫幼不事故祿東贊相其國顯慶三年復請昏示幾
擊吐谷渾破其國東贊死兄弟並當國自是歲入邊
盡破有諸羌羈縻十二州咸亨元年復入殘羈縻十
九州於是安西四鎮並廢詔以大將軍薛仁貴等進
討初劔南度茂州之西築安戎城以迓其鄙俄爲生
羌導取之以守因并西洱河諸蠻盡臣羊同黨項諸
羌其地東與松茂嶺接南極婆羅門西取四鎮北抵
突厥幅員萬餘里漢魏諸戎所無也幾三十年爲邊
患皆其臣欽陵贊婆二人所爲其王弃弩悉弄以其
專欲誅之欽陵自殺贊婆以所部款塞贊普自將兵

萬騎攻悉州都督陳大慈四戰皆克

長安二年十月戊申明年

乃獻馬黃金求昏而虜南屬帳皆叛會贊普死隸踏

贊立中宗以雍王守禮女爲金城公主妻之詔左衛

大將軍楊矩持節送之

景龍元年四月

吐蕃因銜怒厚

餉矩請河西九曲爲公主湯沐矩表與之九曲者水

草良宜畜牧自是虜益張雄開元二年

八月乙亥

其相

全達延將兵十萬寇臨洮入攻蘭渭掠監馬詔薛訥

爲隴右防禦使與王峻等并力擊之峻等戰武階斬

首萬七千級獲馬羊二十萬又戰長子豐安軍使王

海濱戰死乘之虜大敗衆奔突不能去相林藉死洮

本爲之不流 薛訥傳 又王吐蕃大酋空達延乞力

徐等衆十萬寇臨洮次大來谷空達延以兵踵而前

駿率所部二千與臨洮軍合料奇兵七百易胡服夜

襲去賊五里士大呼鼓角應之賊驚疑自鬪死者萬

計訥重武階距大來谷二十里駿迎訥 郭知運與訥

駿相梅角 夜使壯士銜枚塵突虜駭去追至洮水敗

之俘獲如積又戰長城堡殺酋數萬禽其酋六鄉彌

洪命紫微舍人倪若水即軍陟功狀 先是十月丙辰下詔徵親征

甲子戰武階驛大克乙丑罷親征

唐松州都督破吐蕃

紀開元四年二月辛酉吐蕃寇松州癸酉都督孫仁
獻及吐蕃戰敗之七月丁丑請和

唐大武軍子將斬默啜

紀開元四年六月癸酉大武軍子將郝靈佺殺突厥
默啜 突厥傳骨啜祿死默啜自立爲可汗篡位數
年始攻靈州多殺畧士民武后以薛懷義發十八將
軍擊之楚載元不見虜還會契丹李盡忠反黑啜請

擊賊自效詔册拜遷善可汗又册立功報國可汗通鑑

元年遣使求六州降戶并粟農器鐵等神功后不許

黑啜怨爲慢言執使者出歸道乃歸粟器降人數百

帳由是突厥遂強負勝輕中國有驕志大振兵與頡利時畧等中宗詔張仁亶爲朔方總管明年彙二受降城於河外障絕寇路初景雲中默啜西滅婆葛遂役屬契丹奚因因虐用其下既年老愈昏暴部落悉叛元宗時開元二年四月壬子十姓請降葛邏祿等亦率衆內附虜勢浸削會默啜討九姓拔野古戰獨樂河拔野古大敗默啜歸不爲備道太林中拔曳固野古殘衆突出擊斬之乃與入蕃使郝靈佺傳首京師

唐冠軍大將軍隴右諸軍節度大使鄯州

都督兼隴右經畧使敗吐蕃 獻獲

紀開元五年七月壬寅郭知運及吐蕃戰敗之

郭

知運傳突厥降戶叛執單于都護張知運詔以朔方

兵追擊至黑山呼延魯敗之取副都護還詔兼經畧

使營柳城開元五年大破吐蕃獻俘京師

六年正月甲子獻俘

明年復出將輕兵丙夜至九曲獲精甲名馬犛牛甚

衆既獻獲詔分賜文武五品以上及朝集使

紀開

元二十八年三月壬子益州司馬章仇兼瓊敗吐蕃

克安戎城五月癸卯寇城又敗之

詔改城曰平戎

唐朔方軍節度大使執蘭池胡

紀開元九年八月蘭池胡康願子寇邊

是年四月庚寅康待賓寇

七月己酉王駿
之己丑進封

十年四月己亥張說持節朔方軍

節度大使閏月壬申張說巡邊九月張說敗康願子
于木盤山執之張說傳王駿討蘭池叛胡康待賓
詔說經畧時党項羌亦攻銀城說擊破之羌胡相猜
待賓遁入鐵建山餘衆奔潰明年爲朔方大使時慶
州方渠降胡康願子反自爲可汗掠牧馬西涉河出
塞說進討至木槃山禽之俘獲三千

唐北庭節度使破吐蕃

紀開元十年九月癸未吐蕃攻小勃律北庭節度使
張孝嵩敗之吐蕃傳十年攻小勃律國其王沒謹

忙詒書孝嵩曰勃律唐西門失之則西方諸國皆墮吐蕃都護圖之孝嵩遣疏勒副使張思禮以步騎四千晝夜馳與謹忙兵夾擊吐蕃死者數萬多取鎧仗馬羊復九城故地始勃律王來朝父事帝還國置綏遠軍以扞吐蕃故歲常戰吐蕃每曰我非利若國我假道攻四鎮爾及是累歲不出兵於是隴右節度使王君奐請深入取償十二年破吐蕃獻俘其後吐蕃西擊勃律帝諭令罷兵不聽卒殘其國

唐朔方軍節度大使兵部尚書信安王禕
破突厥

實錄開元十年十一月丙申偉凱旋引將士見帝置酒享之勅曰窮寇覆巢而奔北群師掉鞅而來歸

又拂扇
元龜

唐河西隴右節度使破吐蕃

紀開元十五年正月辛丑河西隴右節度使王君奭

及吐蕃戰于青海敗之

四月丙午君奭凱旋詔置食
朝堂宴之及將士並賜物

一云置
酒內設

王君奭傳爲節度判涼州都督事十四年

悉諾邏寇大斗拔谷遂攻甘州君奭勒兵避不戰會

大雪吐蕃趨西道歸豫遣諜出塞燒野草皆盡悉諾

邏頓大非川無所牧馬死過半間其怠率秦州都督

張景順約齊窮躡出青海西乘冰渡襲破之虜留鬻

重疲弱倂以旋凱旋元宗宴君奭及妻夏於廣達樓
賜金帛 蹈赤山焚罽幕獵青海驅犛牛

唐河西節度使判涼州事破吐蕃露布

紀開元十五年九月吐蕃寇瓜州執刺史田元獻閏
月回紇襲甘州王君奭死之十六年七月吐蕃寇瓜
州刺史張守珪敗之乙巳隴右節度使張志亮河西
節度使蕭嵩克吐蕃大莫門城

通監云破吐蕃於渴波谷

八月辛

卯及吐蕃戰于祁連城敗之 蕭嵩傳吐蕃大將悉

諾邏恭祿及燭龍莽布支陷瓜州回紇又殺涼州守
將王君奭河隴大震帝擇堪任邊者十五年十月辛

已徙嵩河西節度使判涼州事嵩以疾虜軍使張
珪為瓜州刺史及裴寬郭虛己牛仙客置幕府立
塢保邊人於是悉諾邏茶祿威憺諸部吐蕃倚
嗟邊嵩乃縱反間贊普誅之使悉末明攻瓜州守
拒甚力虜引卻會鄯州都督張志亮破賊青海西
莫門城焚嵩又遣副將杜賓客隴右節度使率強弩四十
戰祁連城下自晨鬪迄晡斬一將吐蕃傳云擒副將
虜哭震山谷露布至帝大悅又明年用吐蕃三守
以率伊沙等州兵破虜大同軍

唐嵩州都督克雲南

開元十七年二月丁卯，舊州都督張審素克雲南

昆明城鹽城。傳元宗詔特進何履光以兵定南詔

境，取安寧城及五鹽井，復立馬援銅柱。朕讀先朝

道南兵伐

唐隴右節度副大使信安王禕克石堡

吐蕃傳開元中，吐蕃三信安王禕出隴西拔石堡

城，即置振武軍，獻俘於廟。其後吐蕃請和不許，乃

悉衆四十萬攻承風堡，又襲攻振武軍，蓋嘉運不能

守。天寶四載八月，隴右節度皇甫惟明戰石堡，不克

又明傳雜明破帝以哥舒翰節度隴右。八載詔翰

朔方河東郡兵十萬攻石堡城數日未克翰怒擇其將高秀巖張守瑜將斬之秀巖請三日期如期而下更號神武軍又擒其相元論樣郭遂以赤領爲西塞開屯田備軍實

紀天寶八載六月乙卯隴右節度

使哥舒翰及吐蕃戰石堡城敗之

閏六月乙丑以爲神武軍

寶

錄哥舒翰收石堡獻功帝御丹鳳樓會群臣下制褒獎

唐河北河東道行軍元帥禽奚契丹

紀開元十八年五月乙酉奚契丹附于突厥六月丙

子忠王浚

肅宗

爲河北道行軍元帥九月丁巳忠王浚

兼河東道諸軍元帥二十年正月信安王禕爲河東
河北道行軍副元帥以伐奚契丹三月己巳信安王禕
及奚契丹戰于薊州敗之五月戊申忠王浚俘奚契
丹以獻 通監開元十八年初契丹王李邵固遣可
突干入貢同平章事李元紘不禮焉左丞相張說謂
人曰奚契丹必叛可突干狡而狠專其國政久矣人
心附之今失其心必不來矣五月乙酉可突干弑劼
固帥其國人并脅奚衆叛降突厥奚王李魯蘇及其
妻常氏劼固妻陳氏皆來奔制幽州長史趙含章討
之又命中書舍人裴寬給事中薛侃等於開內河東

河南北分道募勇士六月丙子以單于大都護忠王
浚領河北道行軍元帥以御史李朝隱京兆尹裴佖
先副之帥十八總管以討奚契丹命浚與百官相見
於光順門張說退謂學士孫逖韋述曰吾嘗觀太宗
畫像雅類忠王此社稷之福也可突于寇平盧先鋒
使張掖烏承玘破之於捺祿山秋九月丁巳以忠王
浚兼河東道元帥然竟不行二十年春正月乙卯以
朔方節度副大使信安王禕爲河東河北行軍大總
管將兵擊奚契丹壬申以戶部侍郎裴耀卿爲副總
管三月信安王禕帥裴耀卿及幽州節度使趙含章

分道擊奚契丹含章與虜遇虜望風遁去平盧先鋒將烏承玘言於含章曰二虜劇賊也前日遁去非畏我乃誘我也宜按兵以觀其變含章不從與虜戰於白山果大敗承玘別引兵出其右擊虜破之己巳禕等大破奚契丹俘斬甚衆可突干帥麾下遠遁餘黨潛竄山谷奚首李詩瓊高帥五千餘帳來降禕引兵還賜李詩爵歸義王歸義州都督徙部落置幽州境內 肅宗紀開元十八年奚契丹寇邊乃以帝爲河北道行軍元帥遣御史大夫李朝隱等八總管兵十萬伐之居二歲朝隱等敗契丹於范陽北 信安王

傳率裴耀卿諸將分道出范陽北擊二蕃破之禽酋
長以還餘部竄伏 契丹傳本東胡種其先爲匈奴
所破保鮮卑山至元魏自號曰契丹其君大賀氏開
元二年王失活率部落來歸元宗賜丹書鐵券後三
年失活死弟娑固襲封元宗置松漠府以失活爲都
督松漠郡王有可突干者勇悍得衆娑固欲去之反
爲所攻娑固死可突干遣使者謝罪詔赦之乃奉邵
固統衆詔許襲王明年可突干來朝不爲宰相李元
絃所禮鞞鞞去後三年遂殺邵固立屈烈爲王脅奚
衆共降突厥詔拜忠王浚河北道行軍元帥 云云可

突干走奚衆降王以二蕃俘級告諸廟王不行

唐幽州長史河北節度副大使俘契丹

紀開元二十二年六月壬辰幽州節度使張守珪俘契丹以獻十二月乙巳守珪及契丹戰敗之殺其王屈烈二十五年三月乙酉守珪及契丹戰于捺祿山敗之詔自今戰有功必告廟傳開元三年契丹娑

固襲封松漠郡王有可突干者反攻娑固奉娑固弟鬱子爲君遣使謝罪詔拜鬱子爲王而赦可突干左羽林衛將軍鬱子死弟吐子嗣與可突干有隙携公王來奔可突干奉邵固統衆詔許襲王徙封禪封王廣

化郡以宗室出女爲東華公主妻邵固後三年可突
干殺邵固立屈烈爲王脅奚衆共降突厥公主走平
盧軍拜忠王浚河北道元帥信安郡王禕副元帥與
范陽節度趙含章擊之大破之明年二十一年閏可
三月癸酉

奚干盜邊幽王長史薛楚玉等不能制烏知義羅守
忠敗郭英傑吳克勤死之帝擢張守珪爲幽州長史

河北節度副大使每戰輒勝虜遂大敗帝喜詔有司
告九廟屈刺及突干恐懼乃詐降守珪得其情遣左

衛騎曹王悔詣部計事屈刺卽屈烈也無降意徙帳稍西

北密引突厥衆將殺悔其僞官李過折與可突干爭

權不叶悔因間誘之夜斬屈刺及可突干盡滅其黨
以眾降守珪次紫蒙川大閱軍賞將士傳屈刺突
干首於東都拜過析北平郡王為松漠都督

冊府

元龜開元二十年三月信安王禕及幽州長史趙含
章大破叛奚及契丹於幽州之北敕曰干旄所指不
戰而潰山谷遺類盡為俘馘疾如雷霆動若神助宜
擇日告享陵廟 張九齡作開元紀功德頌曰出幽
陵兮幘九夷簸赤山兮蕩滄海

唐續西節度使執突騎施 太廟獻俘

紀開元二十三年十月戊申突騎施寇邊二十四年

正月丙午北庭都護蓋嘉運敗之八月甲寅請和

十七年八月乙亥磧西節度使蓋嘉運敗突騎施于

賀邏嶺執其可汗吐火仙

仙傳嘉運俘吐火仙骨啜獻太廟

突厥傳

突騎施別種蘇祿自爲可汗雄西域開元五年來朝

然籠猾不純臣于唐天子羈係之進號忠順可汗陰

結吐蕃掠四鎮圍安西城俄而大首領莫賀達于都

摩支殺蘇祿

通典二

十六年都摩支立蘇祿子吐火仙骨啜

爲可汗居碎葉城共擊達于帝使磧西節度使蓋嘉

運和撫西方諸國達于與嘉運率石王史王共擊蘇

祿子破之碎葉城吐火仙奔旗走禽之斬黑姓可汗

與弟撥斯入曳建城諸國皆降諸部上書謝願以部落附安西未爲外臣許之以阿史那懷道子昕爲十姓可汗達干怒誘諸落叛詔嘉運招諭乃率纛宮首領降遂命統其衆 通典開元二十七年安西都護蓋嘉運率將士詣闕獻俘上御花萼樓宴之以吐火仙獻太廟

唐河西節度副大使敗吐蕃

紀開元二十五年三月辛卯河西節度副大使崔希逸及吐蕃戰于青海敗之二十六年三月癸巳寇河西希逸敗之鄯州都督柱希聖克其新城二十七年

八月壬午寇邊河西隴右節度使蕭景敗之天寶元年十二月戊戌隴右節度使皇甫惟明及吐蕃戰于青海敗之庚子河西節度使王倕克吐蕃漁海游奕軍二年四月己卯皇甫惟明克吐蕃洪濟城傳蕭景河西留後杜希望隴右留後分道經畧碎赤嶺碑希望發鄯州兵奪虜河橋並河築鹽泉城號鎮西軍破吐蕃兵三萬天寶元年惟明破虜大嶺軍戰青海破莽布支斬三萬級孫逖賀云合戰之時反風破敵決勝之後卿雲靄空

唐四鎮節度使克達奚諸部

傳夫蒙靈誓爲四鎮節度會達奚諸部叛自黑山西趨碎葉有詔邀擊靈誓使都知兵馬使高仙芝以二千騎追躡達奚行遠人馬疲禽馘畧盡封常清於幕下潛作捷布具記并泉次舍克賊形勢謀畧

唐朔方節度使靈州都督王忠嗣破米施

可汗 大同靜邊城 平戎十八策

王忠嗣傳開元二十九年節度朔方兼靈州都督天

寶元年 十二月 庚子 北討奚怒皆戰紫乾河三遇三克耀

武漢北高會而還時突厥新有難忠嗣進軍磧口經畧之烏蘇米施可汗請降忠嗣以其方強特文降雨

乃營木刺蘭山謀虛實因上平戎十八策縱反間於
拔悉蜜與葛邏祿回紇三部攻多羅斯城涉昆水斬
米施可汗三載八午築大同靜邊二城徙清塞橫野軍
實之併受降振武為一城自是虜不敢盜塞突厥

傳天寶初突厥大部回紇葛邏祿拔悉蜜並起殺葉

護國人奉判闕特勒子為烏蘇米施可汗帝使使者

諭令內附烏蘇不聽其下不與拔悉蜜等三部共攻

烏蘇米施三載八月拔悉蜜等殺米施傳首京師獻

太廟其弟白眉可汗立於是突厥大亂國人推拔悉

蜜酋為可汗詔朔方節度王忠嗣以兵乘其亂抵薩

監生周一鳳州

河內山擊其左阿波達干十一部破之。四載正獨其

右未下。而回紇葛邏祿殺拔悉蜜可汗。奉回紇骨力

裴羅為骨咄祿毗伽闕可汗。明年殺白眉可汗。傳首

以獻。毗伽可汗妻骨咄祿婆匄可汗亦率衆自歸。天

子御花萼樓宴群臣。賦詩美其事。突厥遂滅。通監

大寶元年八月丁亥。突厥西葉護千餘帳來降。九月

辛亥。上御花萼樓宴突厥降者。賞賜甚厚。以狄攻

火寧勞六月之師。有征無戰。豈待三年之克。

唐安西副都護平小勃律國

寶六載安西副

高仙芝及小勃律國戰敗

之。高仙芝傳開元末爲安西副都護小勃律其主
爲吐蕃所誘妻以女故西北二十餘國皆羈屬吐蕃
自田仁琬以來三討之皆無功天寶六載詔仙芝以
步騎一萬出討仙芝自安西過撥換城入掘悉德經
疏勒登葱嶺涉播密川遂頓特勒滿川行凡百日特
勒滿川即五識匿國也仙芝分軍爲三使疏勒趙宗
玘自北谷道撥換賈宗瓘自赤佛道仙芝與監軍邊
令誠自護蜜俱入約會連雲堡涉婆勒川遂登山挑
戰日未中破之披其城斬五千級生禽千人馬千餘
匹衣資器甲數萬計仙芝欲遂深入遂引師過坦駒

嶺下娑夷河

弱水也

旣行三日越胡來迎明日至阿弩

越城遣將軍席元慶以精騎一千先往謂小勃律王

曰不闕若城吾假道趨大勃律耳城中大酋領皆吐

蕃腹心仙芝密令元慶賜以繒綵至皆縛以待仙芝

至悉斬之王蘇失利之及妻逃山穴仙芝招諭乃出

降因平其國急遣元慶斷娑夷橋其暮吐蕃至不克

渡八月仙芝以小勃律王及妻自赤佛道還連雲堡

與令誠俱班師於是拂菻大食諸胡七十二國皆震

懾降附詔改其國號歸仁置歸仁軍募千人鎮之帝

赦蘇失利之不誅

西域傳小勃律去京師九千里

王居孽多城臨娑夷水開元初王涉謹怵才朝元生
以兒子蓄之以其地爲綏遠軍吐蕃奪其九城求救
北廷節度使張孝嵩遣䟽勒副使張思禮率銳兵四
千倍道往大破吐蕃復九城詔册爲小勃律三

唐安西四鎮節度使執突騎施石國王

遠門獻俘

十載正月戊申高仙芝執突騎施可汗及石

國王傳仙芝劾石國王無蕃臣禮九載請討之王

約降仙芝遣使者護送至開遠門俘以獻斬闕下實錄

帝御勤政樓石或曰柘支曰柘析漢大宛北鄙也

會群臣引見嘉靖丁巳年

武德正觀間數獻方物顯慶三年以瞰羯城為大宛
都督府授其王都督開元初封石國王二十八年又
冊順義王天寶初封王子那俱車鼻施為懷化王賜
鐵券

玉海卷第一百九十一